

抱
冲
齋
詩
集

抱冲齋詩集卷二十六

長白 斌良 笠耕

罔卿正菘集一

五月二日陪祀

方澤禮成次日甘霖普被恭紀

詰朝 壇壝明禋肅昊緯垂慈沛作霖四野老農欣植玉萬方

大地勝鋪金柳塘鳩婦呼儔急荷汨魚兒逐隊尋

帝澤乾符感孚密何煩籲禱步桑林

題竹士姪摹余杏花圖

杏花舊寫出牆枝阿阮重摹畫裏詩孤客光陰鄉夢掠小樓消
息雨聲知輕搖鞭影初歸候濃暈脂痕乍拆時妙繪荃熙長獨
攬雀徽活脫宛如斯

由西淀朱氏小寓飯罷偕姪瑁福琳游極樂寺晚歸卽

用扇頭東坡韻

小窗攤書眠睡起意恬靜衫輕雨送涼商量游轡騎翻珠走
盤波瑩魚游鏡飛來白鷺鷥梭織穿煙艇嘉招成邂逅妄緣無
究竟勞逸如轉環行往皆數定余去冬奉使土爾扈特又新靖
相送沙河今又同游名勝均有
也數定拉伴散煩襟巾車偶乘興相傳丈人行譚笑亦生敬蟬聲

迓來客才了蒼苔徑

蕭寺隱林樾是處愛閒靜狂心自不歇意馬防馳騁蒲荷渚威
紆波澄大圓鏡鞞紋縵風漪綠淨涵魚艇佳境愜幽尋機務何
時竟避巖陟虛堂參茗破僧定紋窗敞疏櫺吟嘯發高興忽挹
旃檀香滿月瞻式敬宿鳥下窺幢煙鐘出蘿徑

題黃仲則兩當軒詩集後

獻賦丁年謁帝京揮毫瑰麗驚天驚練光共訝成奇采擊筑無
端變徵聲醉月嫦娥應目許詠潮海若亦心傾狂吟衣鉢青蓮
紹曾否騎鯨汗漫行

詔臺小避作秦游書劍飄零善旅愁鐙影機聲聯二妙頭龍季
虎擅千秋豔情錦瑟風前蝶詩思蘭陵水上樓袁蔣倘偕論筆
札騷壇拔幟邁羣流

過天王寺雙松堂慧寬畱余晚齋題

半載相睽舊講堂重過余髮較前蒼榻來鹿苑鐘魚寂細說龍
荒雪霰雱與慧寬和尚譚土爾扈特塞上風景客到晚畱齋鉢飯僧閒頻炷石鑪
香風旛動靜參猶未眞諦吾師好自詳

雨中至西方寺看凌霄花卽題禪室壁

凌霄翳柏金英燦青豆房西愛景光僧說二年游未到我來六

月畫方長多生眼福

寺中藏米襄陽書獅

半晌茶禪寄

講堂萬里人歸勝因結機鋒

子贊墨蹟玩賞甚佳

壁間懸張得天書對

之句余今歲自土爾扈特差旋來

游茲寺已先兆帽語中皆定數也

覺生寺看幻如禪師傳戒作

講堂緇侶盈千億鵠立籤排香案側一人說法萬人聽東筍攢
頭眾緘默珠幢前導浴鼓撞龍象威儀步香國蓮臺趺坐闌楞
嚴妙義淵深海難測行住坐臥有式程戒律精嚴俾典則淫貪
殺盜析爲五從茲懺悔無遺慝付將衣鉢猶等閒遠續心燈悟
空色皈依余佛拯迷塗湔滌虛靈歸淨域覺生彼教具慈悲矧
迺吾儒學當殖我法先師孔氏傳及老戒之端在得

邀朱白榆暨希僑竹士二姪游城北華真觀觀荷晚歸

卽景抒懷以荷淨納涼時五字爲韻

雨歇游興發老子殊婆娑相將嵇阮儔圖畫尋漁叢芳鄰約舊
雨蕭寺看新荷沙融淨無滓薄笨巾車過延緣轉曲巷沒馬防
碾渦翳埽淨鱗雲碧宇秋澄多慕視雙刹竿招提傍巖峩朱葺
麗晴旭光景迷晴眠

皇都盛蘭若漫遠攀煙蘿山緇喜客至入門一笑嗟殷勤致佳
茗辭婉氣益和槃礪勒解衣臨瓜蠲煩苛詎識鶴髮翁來自金
鑾坡

地偏闕不喧如如見真性秘醇妙香聞盆花看玉映槐陰滿院
涼竹色一庵淨粉壁恣觀覽論書別名姓毛孔無數雲香禪印
心鏡姚伯昂書聯一毛鷲溪絹素精龍跳筆鋒勁過眼幻雲煙
孔中生無教雲虛名老誰競乘興偶扶筇浮生寄閒詠苾芻爲余說佳景闕西
更澄湖縹緲紋金鱗結隊泳沈歷七竇池妙蓮森萬柄

鴟吻躡寥空，凌霄仰傑閣。登者共呀喘，蠟屐紛駁。逕樗榜儷，驚鴻藻梲。棲怖鵠佛香，兩院分林翠。半窗納中央，祀呂祖袞冕坐。龍榻武衛列，雁行劔佩風。爽颯吾師唐，進士棲真著。野衲蹠蹠，鶴鬣披丹液。潛吐飲榴皮，寫真詮洞庭。攜酒榼，奈何妄崇奉。富貴強攏拉，遂令駟僮徒。祈禱眾煩香，金鑪熱水沈。銀荷輝絳蠟，利市求十倍。祝辭日躑躅，仙師如有靈。笑口應難闔，誕妄姑聽之。遠鐘忽響，鞞俗情信固陋。麗景殊美，始繞闌雙棠。陰修幹春雲，匝聞道。值芳時，開如紅韎。韜自末，直至梢玲瓏。湧花塔，準擬待青陽。玩賞朋簪，盍吾意。然否乎林籟，涼颺答。

後園最森爽，短垣繚廣場。蔬畦分翠隴，汲綆垂銀牀。平臺築三椽，窗闌延晚涼。榻來展遐矚，蒼翳瞻崇岡。高城帶圍繞，古檜青蓋張。叢祠號匯通，禋祀歷太常。中奉老龍象，座壓泉流滂。緬彼

勝國季簫鼓泛畫航
鐙船誇綺麗士女喧
河塘舊聞記豐碑
宸藻昭聿皇茲來殊
寂寞岸圯鼓垂楊滄
波插雲根倒映圓鏡
光漁滬列參差掩映
菰蒲香裊行見撈蝦
老饕恣取嘗疏鐘互
鐘鞮兩寺遙相望

選勝貴得地磁基在
乘時稍縱卽狂奔白
駒隙中馳我生本如
寄絨組空羈縻徜徉
松竹交放浪猿鶴姿
天游屏六鑿豎子焉
得知君家傍莒雪煙
趣盟鷺千里走京洛
素衣化爲緇故鄉
勞夢轂脩阻悲路歧
眼前景荒率猶足供
娛嬉譬如饜藜藿爭
及食肉糜野菽遜精
庖聊復充調飢良朋
聯雅集有酒且酌之
清游當作記萎弱乏
婉辭萋香五字吟乘
興鳴以詩

竹齋坐雨

一雨涼添些秋生老
樹知簾垂篆香互雙
鶴立聽詩

秋日竹韻齋漫興

萬樹綠如海，蕭齋營作窠。秋晴花有韻，境靜睡成魔。波定聞魚
唼，香幽少蝶過。老夫甘守拙，巧乞待如何。

新秋過青龍橋至西方寺值寺僧他出逢楊茂才顯復

游大悲庵攜茗沿昆明湖隄徧覽名勝卽景八首

篾棚樹底避歌蒸，閒課桑麻舊話仍。旋摘河鮮持贈我，一規荷
葉裹秋菱。

衫痕疊雪鬢堆鴉，女伴綠谿約浣紗。怪底游蜂飛繞髻，秋葵黃

韃玉簪斜

豆腐三過日，初曛佛火清涼傍。水雲卻值山緇打，包去村夫子
代致殷勤

逶迤篆徑認圓庵，妙諦如如水鏡參。聞道西偏最森爽，凌霄瘦

塔一窗含

浮嵐潑黛碧成圍，鶴禁龍樓壓翠微。
行過東宮門畔路，湖光淥沁苾羅衣。

都籃茶具小臧攜，尋徧荷涇接柳隄。
嵐氣溼衣空翠裏，草茵趺坐細評題。

散直廊餐轡乍停，模山範水路頻經。
老來詩律推敲嬾，閒紀游蹤寫性靈。

澄波瑩澈鏡奩明，荇藻紛披翠帶滌。
流入溝塍行潦雜，可能還似在山清。

秋日雜興

寂闕柴門靜兼無，雀可羅政閒書牘。
少宦久閱人多問，菊攜雙屐如苔置。
一萸桑榆行已逼，切莫再蹉跎。

西淀途中

將事精禋逐日馳逸情何暇寄於詩紋生細浪風來候翠潑浮嵐雨霽時曲港蒲荒鳧影亂寥天霜早鴈聲知菊黃楓赤重陽近湖蟹螯肥正待持

游崇氏林亭

芳林蕭槭野煙稠儗直言歸得小畱籠蟹攜尊商後約棲鴉流水繪殘秋湖光激灩平鋪席山色冥濛半入樓天地遼廬如寄耳菟裘奚必苦營謀

秋日感興

宦冷謀生拙趨公欲廢詩殘花迷稚蝶碩果墜高枝衣冷裝縣厚桑枯鶻醜遲澹懷天趣足兒輩豈能知

朱白榆作消寒詩余評爲第一糊名與楊壘雲少僕評

題仍以白榆詩爲冠佳章共賞信非阿好白榆欣感
有作走筆和之

月日欣無累黍差多君筆陣走龍蛇細裁錦段心如髮妙選青
錢眼不花秦晉雌雄誰匹敵韓劉中晚各名家驪黃伯樂饒真
賞癖嗜休嗤等食茄

春日有懷元脩學士福濟時奉 賜祭差出古北口

綏藩典重出中朝學士檐帷歷塞遙高嶺千尋寒巖翠雄關四
扇迴凌霄帽檐沙歷迷征騎鞞底霜凝俯落鵑解壁舊題應徧
閱雪鴻爪迹未全消客歲余奉使土爾扈特亦由張家口行走行館題句頗多

題文徵仲深竹幽居小幃

小幃雲煙生面開壓牆螺髻翠成堆脩篁窈窕柴荆閉第一須
防熱客來

述懷

唐詩尚格律宋詩貴機警李杜萬丈芒黃蘇駕並騁余爲漫評
隲代易筆則一但寫真性情軒軒妄評隲有唐三百載有宋四
百葉國祚倘如周一朝那分別人心如其面霎時千萬變秋蟀
與春鷓各自揚其聲

射工逞伎倆含沙暗傷人閒隙肆讒舌陰賊非無因有宋王文
正深器李宗諤樞密欲薦之商向王欽若詭計墮僉王面從而
心違譽王王佐才舍之復薦誰宗諤適嫁女辦妝乏資斧王公
篤蘭交千緡脫手與欽若探聞之龔菲欣得志撫拾私交況密
啟眞宗帝爲言贊樞密官賜三千緡王且援宗諤市恩非薦賢
藉以左藏錢先償彼私債眞宗默銜之寵眷由斯敗傾軋無形
中英主亦惶惑大哉謨訓言知人欽睿哲

五十年始衰精力須愛惜譬彼錢無多儉約可充積爭奈賦性
豪佳景貪游遨扶筇時選勝蠟屐頻登高前身謝客兒閒惛呢
邱壑縋險更探幽笑呼山賊捉從茲常有戒趺坐香禪學雖解
暢胸襟藉可健腰腳更進一層說外養猶皮毛內視肌膚充藤
杖何須操

新正坐梅舫雜題

夜合花南結小樓琴牀書檝極清幽憑虛四面晶窗拓畫本倪
黃一幟收

茗溪佳士朱矜石嗜炭情癡肖墨奴廠店寬鞋日梭織神龍真
本購還無

朱白榆茂才酷好書法
終日覓古碑刻故及之

浮生宦轍總難論四牡皇華席未溫記得去年當此夕龍荒冰

雪最消魂

去歲在塞外賽爾
烏蘇過上元節

底事年來賀歲忙，九衢珂繖鬱相望。懷中刺比宜春帖，親向家
家贈一張。

宮袍綵繚曳，鳴珂颺拜舉。夔託詠歌笑，倒齋前老梅樹。在家日
少在官多。

宦轍分鑣振羽翰，茱萸時節慶團圓。

崧亭十弟去歲自烏什召還計程今秋可抵京相陪

嵩陽暖翠天山雪，一樣清懷兩地看。

燕山九弟開府中州故及之

趨公排日太恩恩，擁蓋東華踏輦紅。一卷新詩早朝半，嘉州句

遜輞川工。

三嬋娟七律二首

有序

趙次公註東坡詩云：文選有垂條嬋娟脩竹，嬋娟孟郊益月爲三嬋娟。余梅舫前榮春時，瓷甌中牡丹水仙，綠萼盛開，卽目成妍，何須泥古因復題三嬋娟詩。昨

見小重山房集中張詩船又以山水花號爲三嬋娟
他日相逢當以此詩質諸詩船共成韻事合古今竹
月山水之外又增三粲云

綠楊翠篠兩嬋娟東野因之益月三挹彼寒香紫雲北儷茲國
色水仙南騷人寓目無拘格開士拈花有妙參品字團成女爲
粲異時佳話證詩龕

浪傳上巳媚韶光斗室芳粧擬豔陽寫月臨波兼浥露冰心玉
骨對嚴妝丰神意態難軒輊富貴清華漫頡頏絕似太真秦綉
侍三妹同坐譜霓裳

二月初二日獨游天王寺與慧寬長老話舊

朝京冠蓋鎮驅馳獻歲精藍到每遲呈佛新詩多澹泊尋芳佳
約易差池小桃栳蕾紅猶斂宿麥句萌翠漸滋稍厭城南簫鼓

競參茶來訪淨明師

東風駘蕩郭西門瘦轍紆迴碌碡村草木方春皆得意雲煙過
眼渺無痕斜行瘠竹前題認短榻團蒲昔夢溫往日沙彌今侍
者蒼茫舊事怕重論

春夜聽雨樓感懷

注坂奔輪歲月駸蕭齋覽鏡獨沈吟與人平仲交能久責子淵
明望太深偶值客卿呼問鴈閱翻名帖集來禽龍荒冰雪燕南
月轉爲勞薪感不禁

梅舫春陰晚興

輕陰低釀雨瑤瑤淺深浮俸薄堪沽酒春寒怯典裘雀喧芳意
動燕掠晚風柔令夕蟾光滿甃簾漫上鉤

二月十四日夜宿五空閣邊水屋題壁

尖頭苦屋水西營高開奔流漱玉鳴夜半潺湲攪塵夢依稀幽

籟雨風并

客兒夙性昵煙霞每辨行纏陟嶺岬碧玉滌河天尺五龍堂風

景不爭差

終夜水聲潺湲彷彿翠微山籠玉堂風景

春夜偕雲耕輔亭諸兄小飲偶憶去年今日

梅花寫月枝滿窗綠蟻香泛玻璃缸韋家宗會釀春酒伯氏吹
塤仲擊缶龍荒客臘冒雪紛攔堂花爨今年聞身世勞薪難預
測人生適意無南北

曉起過金鼈玉煉楊屢雲少僕招飲偶作

颼颼羊角徹宵鳴吹出春韶爛漫晴鵬綠滄波如縵縠鷺黃新
柳漸抽萌漫云尊酒閒徵逐能使苔岑契合并身世勞薪機務
繞牛犁十具羨躬耕

二月三十日曉向龍王堂齋罷出東便門登舟至高碑
店聞乘馬至大王莊謁長懋亭公相幕晚歸由路入
朝陽門遇雨卽事

九衢沙雨晝常昏走馬來尋負郭村
幕地澄波光洗眼裙腰草
色沁隄痕

小榭玲瓏瞰碧流
寓公招隱築菟裘
開紅一舸薰風扇可許追

涼載酒游

河邊監掣富
明小築甚佳

十里波涵二閘連
奔流噴雪浪渦圓
蘆棚羹魚花賤埭口籤
排運米船

壩頭飛閣做風檐
高閘濤喧白板箱
放溜瓜皮回睇好倒懸
一桁水晶簾

碧甃朱簷倚夕陽
棗林荻港鬱相望
長年指點爲余說
箇是天

魔薦舞場

天將廟在北岸爲妖尼窟真棲息之所

麒麟高冢築新齊綽楔凌霄煥

御題績懋旗常官鼎節據鞍憑弔謝征西

公相墓在高碑店關之北大王莊

棲鴉瘦柳板橋新半晌旗亭駐畫輪官道如龍歸緩緩剛逢酥雨溼輕塵

古意效孟東野體

高意雲鶴齊幽抱引孤奇琳札綠章文玉清偶游戲爵貴多新歡境約寡深契草色照門清寬閒羅雀地韜華葆吾真澹泊神明萃

初十日出宣武門至天王寺看海棠

纔向訶林駐馬蹶霏微細雨溼煙迷麝濃花氣穿簾近鱗疊雲光傍戶低錦簇檐牙紅有韻苔黏屐齒綠無泥歸途不厭車帷

透貪賞翻風麥浪齊

晚抵良鄉

不到瀧岡又一年穿雲古塔鎮依然道旁榆莢休輕擲能買春光獨此錢

四月九日入直過金龍玉煉有懷萬善殿誠修禪師

瓊華新綠影惺忪碧鶯雕闌倒鏡中苻葉疊錢浮淺浪楊花滾雪過長虹慣趨省直催金勒難覓溪漁理釣筒香海可杭違咫尺多時圓澤憶蘇公

喜老友陳雲伯明府見訪話舊卽和其見贈原韻

丰裁乍接喜狂顛歲月奔輪別廿年著作等身成錦繡游觀過眼盡雲煙心交綠野尋迂叟奇遇黃樓憶夢仙

仙談以仙素精神倍強

擬共築城宴焚尾停杯細話楚江天

雲伯宿黃鶴樓夢中遇費呂二

楊墨林別駕招飲春暉園卽席名尙文山西靈石縣人

新綠如山照綺櫳杯傾婪尾醉春風香光妙墨心心印花氣迴

廊面面通

墨林書室懸董思白書我齋額

惜別曾攀宮柳綠

墨林前歲還晉會經餞別倏已三年

矣論交記

話佛鐙紅王辰年曾偕墨林寓天王寺中

海藏一室城東畔清景今

教屬寓公

題卓海帆先生考牧集後

錦纜巡邊旆昔停

余於甲申年迄今歲凡兩次查馬

佳篇雒誦路如經雪痕共

矢臣心白草色偏繁客鬢青湛岳妍姿儷茶火奔輪迅發閃流

星敬敷

聖主懷柔訓張奐清名絕塞聆

考牧丹綸簡上卿皇華鞅掌出開平蠓螭遠踏天邊翠鴻雁猶

憐澤畔聲

昌平年歲偶歎先生致書大府速爲賑卹

曼唱壘篋偕弟弱途中與令弟視候唱和頗

多故抄注甘茹冰檠說官清不須宣府圖經借珠玉揮毫當紀程川子〇七

同懷弟法良校刊

男崇福謹校重刊

抱冲齋詩集卷二十七

長白 斌良 笠耕

牧政再宣集一

四月廿七日奏請察哈爾八旗查驗馬羣

勤政殿請

訓恭紀

薰風朵殿曙光新喜觀

天顏荷

玉綸雁塞驂騑咨藻鑑龍堆部曲待周巡敬聆體恤藩封

旨仰見懷柔

帝澤仁

上諭近年察哈爾八旗被災蒙古窮困須優加體恤

嚴禁駝丁人等擾累勒索諸弊仰見我皇上聖德如
天懷柔外砥礪廉隅堅操節中朝碩望屬親臣
夷之至意

朝陽庵夜話次日送燕山九弟赴兩湖督部之任卽以

誌別

茶庵翦燭得句留怕聽驪歌惹別愁攙袂聯牀纔契洽揚鏢分
道復宣猷九邊士馬還旣帳三楚旌麾迓鷁舟軾轍同朝傳盛
事銘心白水

主恩酬

廿八日減良自京起身赴察哈爾查羣桂良亦於是日之楚督任

清河早尖

層疊煙巒翠埽天石闌橋畔鎮依然風光到眼都如昔抹電回
思十五年

火熱輪蹄瘦轍盤蘆棚歇午境舒寬近參平等眞如諦茅舍華
堂一律看

過沙河驛

孤竹城邊路，明蟬曳柳條。沙荒斜抱郭，岸圯不通橋。細溜晴將涸，浮嵐暖未消。星周剛一紀，又復趨征軺。

藥王廟小憩題禪舍

昨年蕭寺記，停驂冷窗凍。壁曾題字清，和講院復來。過棗花香細，簾垂地入門。巾拂律精嚴，案上楞嚴疊。錦函一幘雲，煙摹董巨尚書妙繪等。珉壁懸董東山尚書山水一幅甚佳松釵茗新瀹，忙中歲月殷。乳頃照眼海，榴紅斂斂豆。房雨膳強遮，留爭奈鞅塵。促使騶待到，荷芳歸轡整。上環瓜獻浸冰甌。

南口早飯

記得丁年曾過此，貂裘衝雪藍。關似東皇玉，戲慰羈孤銀。海光明淨無滓重，來正值麥風寒。伶俜曉發愁衣單，午雞噉處飯香熟。玉鞭蹀躞催金鞍，山谿高下緣幽谷。甌笠騶綱出，復沒綠楊

頂上髻鬟盤指點茅茨繞雲麓
橫竿确足難投渠溜紫迴碧
玉流人困路長行款段數聲鶉
鳴喚鉤輶滴衣嵐翠濃於酒怪
石欽崎礙跟肘長鬚老奴頗更
事代覓復輿度南口

關溝道中

劈面聳煙靄相看喜溢顏
人行空翠裏馬踏亂流閒
峽瀑青琴響山村綠樹環
巖關鎖天半催騎入名山

居庸關前廟中小憩

灌木蒼藤杳以深
清和時序半晴陰
僧竇半晌支頤坐
默闌楞伽十種心

溝中寫望

萬山繡子迴環四望疑
無來路可憐名利牽
拘不見一人遮住

響鈴碑

石碑瑩然扣之聲如
鈴在石佛寺古柳下

碑陰古辭鏞銅青馬箠輕敲韻似鈴松杪月高參石佛道人權
當暮鐘聽

青山青歌過居庸關作

有序

明崇禎末宣大失守總兵王承允監軍杜勳同時納降
迎李自成由居庸關直犯燕京守關把總某佚其姓
名憤恨背裂暗設巨礮置堞樓中待闖賊入關時然
礮擊之傷李自成前鋒馬軍賊人膽落闖賊怒甚把
總遭慘害至今土人猶能述之歷考明史及甲申傳
信錄皆無其名保安州孝廉張環作青山青樂府弔
之余亦作長歌哀之足以勸忠並補史闕云

陽九數窮嗟有明內憂魚爛綱維傾滔天逆惡李自成蹂躪秦
豫窺燕京宣大總制雄城攫貔貅十萬誇連營王杜賣國苟延

生金湯唾手輸鯢鯨權閣巨帥揚降旌黃巾宮闕紛縱橫守關
把總佚姓名精忠堪與河岳爭乾坤思以隻手擎奮智殄寇塵
心兵蟻賊列隊入冷陁潛然礮火轟雷霆擊之不中鼠黨驚烈
士旋亦遭醢烹殺身成仁性命輕迄今父老猶頌稱黃金可爍
海易淳捐糜頂踵目不暇作歌獎忠喻勸懲堪補史乘檣杙并
噫噉乎魏德藻吳麟徵匡時卿相何所能獨有小校輸忠誠赤
心漫以成敗評把總之忠青山青

益道店牆偶題

店牆大書二十四字關溝虎狼出入行
客各自小心日暮急須投宿天明方可

登程

巒嶠古關信天險山深虎豹雄牙鬚粉壁大書頻告誡日斜約
客閉門居

夜雨自懷來曉發

一宵甘澍溼溼濛濛萬笏芙蓉對面叢碧隴涼霏蕎麥雨茅檐香
透棗花風長城帶繚高凌漠古埃星羅遠蔽空猶記貂裘乘傳
路雪泥爪迹託飛鴻

榆林堡

砢訇礧礧欲催輪梅雨霏微泥路塵雲氣吐吞濃潑墨沙痕掩
映溼鎔銀誰簪艾虎酬佳節莫覓槐鐘結淨因古槐掛鐘年深樹本蝕入鐘內
見懷來縣志楊柳團青新聚落橋頭星飯膾霜鱗馮水產魚極美

水泉子寫望

霏微細點濯塵襟四望浮嵐潑黛深沙路無泥馬蘭秀半天梅
雨過榆林

土木道中

橋映波如鏡峯排翠作堆聚沙風不起堅壁雨難頽有暇題詩

句無心屬酒杯店門枯柳樹縹馬第三回

青龍橋觀峽中飛瀑

空巖琴筑馬頻驚飛瀑流懸匹練明溜入溝塍雜橫潦漫云仍
似在山清

過老龍背

洋河濁浪如湯沸日向雲根恣衝突細棧句連蜀道同迤邐
綱出復沒延緣危躡釜行翻身恐墜蛟鼉窟懸崖陡絕擲虛
牝跬步趨趑莫顛蹶臨深俯視懼惴惴憶駕鹽車度硯硠老龍
吸浪下垂胡蜿蜒青銅挺脊骨森然鱗甲疑動搖蘚苔皴積
凹凸輶車碾處晴雷轟火星迸發摧輪鐵隄防老龍掣波飛何
啻騎鯨越溟渤壯哉斯途信天險界斷華夷境誰設緬想英宗
己巳秋北狩塵蒙幾覆轍丸泥直可一夫當竟使天驕闕喉咽

石不能言風颯然壁壘峩峩尙環列何如
聖朝善懷柔中外一家無少別日札薩克內外旗四盟八部紛
來謁太平王會集梯航不恃金湯地雄傑

鷓兒梁

天風掣鷓狂巖絕陟山梁河套盤沙磧
樓隱翠楊時平消戰壘地劇控巖疆
此日論邊備端資牧馬強

抵宣化府

宣城當五月風物似殘春蒲艾誰簪戶
絺羅未著身客譚關路險僕厭塞垣貧
今夕衙齋好開樽燭剪銀

抵張家口喜兩翼總管

齊當呢瑪

率領固山達入關遠

迎偶作

遙望稽帷跪拜紛入關遠迓意殷勤
侏儻偶聽蕃兒語十五年

前舊使君

余於道光甲申曾出塞查馬倏已十五年矣

行館夜雨

旱魃爲災久厭晴
東山霖雨活蒼生

張家口東山出雲卽雨

圓庵靜悟聲

聞果檐鐸聲
攙夜雨聲

初七日喜雨

應時甘澤灑冥濛
餅餌霏香兆歲豐
雉雒草回千里碧
馬驕沙擁一關風
均沾禾黍宣南普
眞鑒驂騶冀北空
紫塞三番揚蕩節
鴈臣蹤迹似征鴻

右亭都統

敬敷

席上贈張振安茂才

瀟灑衣綃邴曼容
塵譚霏屑玉玲瓏
殷勤揖客將軍禮
慷慨論交國士風
妙墨南宮誰獨擅
清尊北海漫教空
仁看鵬鸞膺秋薦
傾耳佳音八月鴻

五月初八日冒雨出大靖門子謙都統布彥秦右亭副

都統關前送別

按轡徐行石路循弓刀小隊傍關陳巖疆都護勞相餞天驥良
材待遠巡恰值夏雲濃覆蓋敢云膏雨灑隨輪承
恩考牧三持節四牡皇華亦夙因

上壩

天風獵獵愁衣單曳車盤磴躋巘圉人攀鞅半呀喘扶輪漸
陟黃泥坂蟻旋珠曲路紆迴滑澗苔痕碧四圍欽感天公雨初
歇征軛輓輓磨輪鐵俯視羣峯疊浪同圭稜隱見遠煙中綠蕪
一線洋河注微茫倒指來時路青雲直上漫多歡無限人從腳
底看石齒崕呀險可怕塞北登山呼上壩

晚至那林果爾

一鞭遙指塞門西，拂面山雲翠黛低。
不厭淋漓催整轡，卻欣荷笠共翻犁。
邊風力勁旋羊角，塞草痕萎到馬蹏。
圓帳窩兒聊偃息，細流河畔白翎唳。

那林果爾華言細流河也

詠氈帳

圓帳窩兒著處家，解鞍徒倚興無涯。
芊緜草色穿簾入，淡沲山光傍榻斜。
趺坐幾曾翻貝葉，酣眠依約夢梅花。
怪他紫塞烏桓地，聒耳何來兩部蛙。

帳外草深夜有蛙鳴

白翎雀

白翎雀接翅唳牛羊，未下日殢西塞垣。
草肥雨新沐圓吭，一串穿珠索元家。
樂府舊有名，啾啾遠和清笳聲。
白翎雀飛撲鹿，與征人消寂寞。

那林果爾查馬歌

泥塹帶繚圍廣場毳幕支搭居中央紅氍毹榻擁高坐使君考
牧神飛揚兩翼司牧官侍側珠算均持核馬冊齒覲毛色按籍
稽駟騾鱗排分阜白勞薪炙處火燄紅口外無柴以扛阿收人
做車當柴焚燒
持節時突衝天閑內廐四萬匹飛龍印烙尻骨隆萬蹏雷動蹴
塵起霧鬣風驟漾流水股毛焦灼捲驚沙煙氣迷漫一片紫人
喧馬嘶聽嗷嘈奚奴揚鞭氣益驕番兒夾騎牆兩堵僅賸奔駒
線路遙駝丁鵠立齊喝報數馬對官風掠帽直從數匹至萬千
簡牒相符敢申告吾聞相馬相士同精神豁達開心胸俗眼舉
肥駑駘厠伯樂一顧凡馬空願乞蒼穹雨雪早游牧場寬豐水
草良材蕃息答天闡青駟紫燕恣騰蹕廿年兩番虎節持承恩
伯罔巡邊陲慎旃藻鑿驪黃目擢拔真才薦

主知

音圖道中有憶燕山弟

四海而今一子由，別來又見月如鉤。
錦韉遠踏居庸翠，羽扇遙揮鄂渚秋。
豈有文章動蠻貊，漫勞冠蓋集王侯。
征鴻嘹唳頻悵，短早晚雲藍達塞郵。

發音圖書卽目

皋原膺膺砥如平，天染窰青值嫩晴。
市地馬蘭鋪錦氎，畫輪碾處寂無聲。

遠岫環遮碧四圍，三千駟駱耀朝暉。
澄波鏡拓清光照，時有沿流老鶴飛。

晚抵瑪噶拉廟借宿喇嘛禪房

恍惚曾游似夢中，刹竿又復繫花驄。
敷來坐具僧三百，寺中喇嘛三百
歷過行滕嶺萬重，番像綵圖驚詭異。
琳宮藻繪仰穹窿，餘眾庫藏經

飛龍內廐滋蕃庶膜拜金容福佑蒙

音達道中感賦

大靖關門百里通壯游難得五人同
謂隨帶司員共五人場寬地秀芊芊
草野曠原呼浩浩風異域曠寒難預定
旣鄉飲噉漫求工夜涼
飛夢依京邑清簾疏簾醉碧筒

巴雅斯胡郎圖查左翼馬羣

考牧開牙兩番過草香露氣趁時和
虬髯持鞚千夫長虎脊呈
材萬匹多細浪鎔銀環鴨濼翠茵貼地踏
鴛坡圉人何事顛盈
雪十五年來快擲梭

大風歸帳作

誰擘兜羅繇一白遮天地萬朵碧芙蓉
森然看岳峙
噓喻風雷吼平添五月涼蛇奔還象戰
雷雨奮昆陽

查馬感懷

驕驕帳下燦如雲考牧官僚列坐紛數馬對官聲瀏亮按圖索
驥意殷勤十分臆壯論功格一律睢尻印烙文親鑿驪黃三萬
匹笑他伯樂漫空羣

帳中聽雨

塞垣小住愛氈廬暑雨風吹到上都浙瀝清音疑撒粟恍如孤
棹泊江湖

晚抵約呢額勒賀朱克特亨

寺歷三朝百廿年祥占甲子適符焉

寺建於雍正甲辰三月廿八日余生年係乾隆甲辰

閏三月廿九日與建寺之年後先相孚

翠盤螺髻圍屏曲光耀金容大鏡圓

寺外大諾爾

節使重來更紫綬山緇相遇感華顛

謂老喇嘛貢楚色楞龍荒

一事欣

初覩山藥星榆而砌妍

寺中栽白榆二本均藥滿池

塞上月夜

今夕逢三五開窗見月輪
客孤詩慰夜心亂睡騎人
牧馬狂嘶晚胡笳遠吹頻
巡邊昭懋績指日降

恩綸

查馬歸帳偶然作

牙帳向陽開笑官列成隊
一色氍毹鋪眉列官寮萃
矮榻珠算持馬冊分經緯
圜人執鞭箠數馬長官對
土塹圍短垣闌馬儼羈繫
盡放羣馬奔萬蹏如鼎沸
內廐號飛龍印烙防作僞
尻高股毛拳灼處騎驚潰
火先雜塵沙橫空騰紫氣
霧鬣播鬃風駿望冥晦
駱駒駟駟十二天閑備
恐是房星精顧視神明貴
終日鑒驪黃按圖辰訖未
日暮牧羣歸聊作清淨退
氍毹低似舫小憩眾勞慰
四野寂無喧大地長風吹
草色入簾青嵐光當

戶翠盤膝學跣跌矣必聆梵唄俄頃寂喧殊回思宛夢寐嗒然
靜無言據梧契同會莊老喻微詮味此無味

巴顏他拉遇雨

夏雲孽絮紛天瓢灑何驟小車像漁舟清音聆撒豆嵐浮雨氣
昏草茁煙痕茂青挑秀可餐翠澀濃欲溜征輶苦奔馳迅發箭
脫殼最憐收丁徒淋漓褐沾透征衣以瓦爲耶律語非謬憶昨
過宣府亢旱近畿右田疇龜兆坼稌黍半未秀太守祈禳恭柳
枝插檐霑沿村巫覡忙晝夜金經呪我亦代殷憂意善功難奏
謁來度烏桓甘澍隨車後畎畝定沾濡牧草藉豐縟天閑四萬
匹字育喜般富櫛沐亦何妨胞與懷堪副淦淦山雲蒸狂噴若
饋餽車中厭鬱溼清風希邂逅舉帷睇四野一笠天光覆老牛
駕鹽車呀喘百輛輳番兒覓蠅頭遠載入關售我亦鞅掌勞風

塵敢撓逗大哉利與名盡在蒼天圓

有懷遠亭可盦兩弟

停驂話別太恩恩走馬長安欲轉蓬此日雙鳧還也未佳音日盼北來鴻

失馬人偏羨塞翁含香粉署氣如虹獅山關部言堪訝說到清

無兩袖風可盦未得稅使寶關部云可盦運會甚佳余笑其偽故有失馬之戲

晴

環抱山繚帶高原撫掌平雲頭天際轉雨腳日邊明閑馬絲爲叢周陸幔作城暢舒千里目亦足快吾生

雨

溼雲翻墨雨橫吹教掩幃帷略避之最憐乘騎橐鞬隊上雨旁風鎮日馳

重至咸安寺有感

煙焚傑閣，蠹雕甍，照眼雙湖夾鏡明。錦繡一氈環廣漠，笙歌兩部弄新晴。龍沙馬駐，成非想，初地重過有夙盟。太僕老奚齊額慶，三持使節荷恩榮。

瀕洞風煙大漠開，湘屏拓處擁蜂臺。月容圓滿黃金鑄，雲髻嵯峨碧玉堆。寶藏千函排甲乙，檀施八部助珍財。熙朝聲教通遼闊。

宸藻蘭榜耀斗魁

開平雜題

馬駝四畜當生涯，倦息穹廬渴飲茶。聞說前山豐水草，回羅乘子共移家。

崔嵬青帳枕山開，蕃馬成羣蹴起埃。漫說邊人疏禮節，牛酥跪

獻白犀杯

一輛柴車款段行人騎番馬牽衡碾來細草如茵輒到及烏

登月二更

凡憩息之所名曰烏登

關塞羈孤遠憶家白翎接翅噪啞啞如何五月蒲榴節兀自披
裘賞雪花

晨開牙帳傍山隈碧眼奚奴探幾回傳道使君親相馬萬蹏雷
動隔山來

巴雅他拉曉發

纔聽和驚喜溢顏囊收奇句破天慳場萋白白青青草雲襯重
重疊疊山牧庶駕車行迅速圍人調馬技精嫻雕鞍金勒環氈
幄小啜牛酥鬧裏閒

登瑪拉蓋鄂博達坂作

柅車陟層岡細路篆香裊挾轂奔驚鷹繞鳥俯飛鳥前騎儼魚
貫漸歷青雲表我車躡其後攀帷縱遠眺長鬣愛飄蕭神仙羨
縹緲動余欣豔情口噴歎未了及予登其顛佳趣卻亦少天風
吹衣裳涼颺若秋杪白草望無垠一笠天光杳因之悟宦境斯
理指掌瞭譬彼躋顯爵炙手勢堪燎鼎鉉台輔司桃李門牆繞
出導羅旌麾燕居侍窈窕珍貨積琳琅菟裘盛亭沼頤指氣如
虹奔走驚羣小人羨處膏腴已獨縈煩擾固寵畏譏讒憂心時
悄悄何異立危峯旁觀偏覺好

重宿咸安寺晚題西禪舍壁

流丹飛閣倚煙樊翠巒旋螺對寺門落日銜山延暝色歸雲挾
雨作黃昏佛鐙初上鄉心劇客枕纔拈旅夢溫羸幕浹旬聊偃
息講堂今喜借巢痕

僧廬和壁間尙寶卿韻

虛構倚高天寬如大願船夕陽鴉背上芳草馬蹏前
羸暖宜裁毳衣涼欲寄縣等閒眠食地隨分卻安然

音圖大諾爾

柅車經鴈磧轆轤行周道滄波浩無垠河勢如弓抱光明大鏡
圓螺髻山影倒揭來歷塞垣開平迹堪考地處最高原游牧豐
水草照眼毅紋生煙處驚見少緬想元大定捺鉢傳四表鴨灤
及虎林翠崖波共繞頭驚俊風翻詐馬繡鞅掉鷹人致鮮食寶
赤軍悍慄金錦納失失質孫服媚嫻元史徽政院設衣局納失
失者質孫宴服以金錦織
之有十五等性縣里納失失金錦翦絨也答納多納失失綴大
珠於金錦也速不都納失失綴小珠於金錦也更有聚線寶裏
納失失等名霍木海筵開滑笏淀流晶大造靡不暨井蛙見何
見元輿服志

小休言厯屨高不復積水潦想亦如人身頂上盛髓腦

瑪哈噶拉佛樓

兜率天宮法樂憂金鐘鼙鼓雜篴篥闍黎妙證聲聞果更結三層切漢樓

博爾蘇木早尖

每依南斗望京華牧野穹廬著處家贏得征人齒牙礪朝餐頓頓雜塵沙

過達齊作

功成考牧喜還家冰雪炎天句漫誇千里行來真咄咄只看雙樹一叢花

口外無樹自那林果爾至顏他拉周行一千里只在咸安寺中見榆二本山芍藥一叢而已

晚抵敦什巴爾臺

半月棲穹廬徙倚厭局促考牧喜還家征軺驅粟碌極睇倚煙樊茅茨高下築僕夫欣蒞止解鞍暮投宿牛闌繚短牆馬矢高

於屋入門地平曠野敞豁心目云是慶豐司公廨考羣牧萬羊
畜甌根干牛豨殼棘於焉息勞薪藉以稽字育我過駐征輪頗
覺廢所欲三椽宛山房遠翠岫如沐几榻撫精潔窗戶絕塵俗
退想境寬舒萬事一笑足新句寫泥牆斜行老脊竹明發入關
門戲向同人告

公廨晚眺

矮屋三椽築平蕪百里賒有場豐水草無地著桑麻老馬皆諳
路歸牛自識家關門頻指點一角塞雲遮

敦什巴拉臺晚興

綠蕪平似海牛特卽公田高炕堪容膝低牆恰及肩馬驕依阜
立僮困抱鞍眠明發關門道紅榴拂錦鞵

下壩

天設厓巖千里寬
水草縟地高寒
披裘五月涼如許
萬壘奇峯鳥下攢

張家口

奇峯蜿蜒聳千尋
大靖門當峽口深
地控華夷分界劃
軍留貔虎護嚴森
金湯重鎮資喉咽
玉壘浮雲自古今
馬後榴花馬前雪
征人那不歎風塵

贈子謙都統

宦轍分鏢四十年
獅山攬袂意殷拳

恩承大靖關嚴鎮
績茂新疆闔舊專
牙帳晴排魚復陣
心兵細註豹韜篇
誼叨世胄聯同契
怡喜金貂對玉蟬

余與布子謙皆嘉慶元年蔭生

五月廿五日自張家口差竣還京行抵宣化萬柳亭遇

雨晚間宣化張幼軒太守輔招飲卽席

戰車雲陣湧遙空急雨跳珠亂打蓬溜嘴隄根波上下風篩柳
陌路西東甫離羃羃羅清簾纔捨雕鞍捲碧筒占野恐防驚太
史五星今聚塞垣中

新保安

車箱人困馬虺隤白汗漉衣慣惹埃聞道南薰能解愠民居休
築避風臺

晚抵岔道

兩山坳處突峯生蠟燭關高翠嶺橫冰雪炎天已三過遼邊形
勢記分明

石佛寺

石骨卽佛骨巖開金粟裝嶺雲瞻法像溪月印圓光山鬼攀蘿
薛征夫供糗糧疏鐘警塵夢應憫眾生忙

溝中卽目

野杏壁爲脯家家曬晚晴
晨入城賣紫葚雜朱櫻

南口聞蟬

考牧龍荒市月行好山巖翠
遠相迎蒲榴節過三庚
屆初聽新蟬第一聲

同懷弟法良校刊

男崇福謹校重刊

抱沖齋詩集卷二十八

長白 斌良 笠耕

鵝班掌萃集一

夏日書懷和洪雨薌明府韻

來自開平古塞城
填門慰勞動公卿
牛腰卷束增詩帙
馬首紅飄捲旆旌
雲外羣峯遮眼碧
嶺頭孤月印心明
舉香刻意推敲徧
得句欣於組綬榮

警句冥搜入錦囊
青騮遠踏舊圍場
按圖神駿遊奇骨
鞞旆奚官進壽觴
靈運尋山窮北戒
少陵出塞冠全唐
諸公細葛含風日
我正裘披六月霜

三庚甘澍恰知時
漲絲新添水半池
藕榭披襟揮羽扇
桐陰醉月酌雞彝
萍開天影沙鷗浴
木杪秋深旅雁知
相過羊求頻問

訊橙黃佳日訂遊期

蕭齋坐擁百城遮星使初回博望槎夢裏名山招舊隱愁邊清
鏡感年華孤筇嬾叩藏雲寺瘦句貪尋賣酒家結習未除還自
晒淋漓干紙縮秋蛇

過天王寺西禪舍題壁

人境無窮詩境寬清齋松下共盤桓不緣佞佛同周顛爲有彌
天釋道安

衣綃瀟灑屐初停萬笏芙蓉列畫屏只有西山交耐久十年相
見眼猶青

竹齋感懷

覽鏡驚看兩鬢絲忙中歲月欲駟馳宦清漫笑謀生拙才豔微
嫌入道遲桂苒竹香風過處澄泓漲淥雨喧時夜涼半臂休相

送冷暖年來祇自知

六月二十七日保和太和

召試清文蒙

恩賜滇茶宮餅恭紀

授簡晨趨 玉陛層 保和朵殿瑞雲凝松迺翠映朝曦彩石

介青含太古稜

賜出滇茶浮碧椀喚來宮餅勝紅綾文章愧乏絲毫補逾分

恩殊

帝眷承

拈花寺訪詩僧

慈海

城北精藍萬木稠瘦筇引勝晚鐘留高僧難值無如爾佳日堪
尋半在秋蓮卸紅衣香喻水竹含粉籜翠依樓不須寶帶機鋒

鬪才鈍如椎一笑酬

聽綠山莊漫興

茅茨樸茂自爲園位置居然負郭村
菜圃香霏開野色酒旗青
卓沁煙痕意行問竹荆扉款晏坐看雲釣石温京雅歌鐘千萬
戶清華應數謝公墩

山游漫成

齊紈愛畫驂鸞女藤杖偏扶洗鉢僧
獨往空山侶猿鶴休論有味與無能

六班直舍曉起書懷

雞人剛報曉盛服已晨興
出暑涼偏劇呼童衣屢增
官鐙餘半燄私簡疊多層
遙憶湘江舫勤勞體可勝

燕山弟於五月三日
甫抵湖督之任旋於

七月十九日又復登舟赴閩督
之任未免過形勞頓故憶及之

秋雨過聽綠山莊

雨送新涼白袷幽杖藜扶過野橋頭
蔬畦小墜泥香潤荷蓋圓
珠露顚流荻渚鷓鴣偏好睡苔堦
蟋蟀又鳴秋芙蓉吹折傷懷
抱錯認牆東宋玉愁

題陳雲伯春明新咏卽送其之繁昌明府任

妙詠西崑夙譽傳重游燕市感華顛
通家挖雅青藤館雲伯館於族姪

陳子嘉太史家變體奴騷白芍篇新咏白芍藥詩傳於族姪

雲伯過黃鶴樓曾夢費呂二仙談以仙藟香山逸致愛逃禪近著蓮花筏頗通內典漫言官職

聲名折句漏從來令屬仙

書尙之五姪游翠微山詩卷後

趨公未陟翠微顛清景聊憑好句傳
衣振香林千仞峻峯環月榭一規圓
泉鳴苔磬聲疑雨雲羃松巢碧化煙
處儉頓教奇計

出賃山省卻買山錢

六班直舍夜雨

瑤階露冷溼無聲
洗出疏窗好月明
苔砌暗蛩涼潑雨
官燈影裏又詩成

題翁覃谿閣學謝蘊山太守朱思堂都轉三先生和蘇

文忠公蜀岡送李孝博之嶺南詩石刻後用東坡原

韻覃谿蘇詩原跋云揚州禪智寺蘇文忠公次韻伯
嘉靖辛丑蜀岡盛儀萬歷己卯河陽陳文燭二跋是
石久斷小國初新城王文簡公司理揚州時訪得之
屬寺僧陷方丈壁間再次韻其石側汪堯峯詩云鶴
影蟬聲野徑長
壽翁遺墨冷斜陽
游人盡說迷樓好
誰訪殘碑到蜀岡
記此事也方綱嚮往斯迹久矣會
門人謝蘊山守揚州時屬其訪捐且續唱和之盟今
夏得所寄拓本按蘇伯固名堅鎮江人博學能詩時
與文忠相會於揚李孝博時自山陽守以治行高潔
拜廣東提點刑獄見徐仲車節孝集云孝博字叔升
而此蹟作蜀師當以墨蹟爲證也今此石本師字半

泐適門人張警堂銘以河南郟縣亦有此石刻搨以見寄與此蹟筆法正同而其事特異文忠晚居陽羨疾不起叔黨兄弟得吉壤於汝州城之小峨帽山因葬焉後人送家於潁昌事見晁以道所爲斜川墓誌中明末盜伐家柏國朝三年秋知縣事濟南張只石篤行謁墓下後如至彼當見是年以事至汝州有青衣叩門遺一卷乃東坡墨蹟蜀岡贈孝博之嶺南詩也青衣忽不見張異之因命工勒於石自爲長歌記之周傑函書影王文簡池北偶談皆載此事而今日二蹟適合豈非翰墨緣耶精靈天假之緣耶第二句集作老鶴方翳蟬亦當從墨蹟初也蘊山旣和公韻方綱亦繼和俾刻於石側以踵前賢風流於十一耳

身藏萬人海露吸高枝蟬元祐驪駒唱輕扇隄塵煙緬昔玉局

叟送客蜀岡顛畦深瘦鶴沒筆勁秋蛇懸斷碑翳荒莽挾石肖

飛仙嵌壁霏古香誦詩懷往賢蘇詩石刻久埋荒棘中得漁洋先生表出之始爲藝林珍尙

賞奇狐集腋摘藻驥奔泉瓊華號穠豔錦句儕芳鮮後先六百

載相映裙屐翩自宋元祐迄乾隆丙申計年共五百七十餘載翠墨企高躅把玩休疑

然

淮汝隔千里雙揚簪連蟬青衣贈細帙白晝昏蒼煙書影及談

藝讀記詳末顛夙豔烏臺帖曾向蘇齋懸宋槧憶親覩恍晤

老仙烏臺詩帖文忠真蹟向在覃谿家與宋刊殘本蘇詩同珍

藏後俱散失宋刊本於道光戊戌春余在潘仕成比部處

見之聞在海南吳荷屋撫部家奎躔光忽耀闔揚賴三賢栗尾卓銳穎蘭晚媿

妙娟峨峒望縹渺笠屐來胡翩凡物有顯晦理不期而然

菊月五日散直後約同卓海帆尙書朱檄堂侍郎楊疊雲岡卿游寶藏寺早齋卽席

纔直眉班侍嬈行扛壺預擬作重陽澄潭寂照僧心白野菊圓

迎佛面黃共約支筇訪煙壑誰知搢笏自巖廊寰瀛清晏羣工

暇新詠籠紗到講堂

鞭絲指點碧峯椒桃隴楓坪取徑遙政得暇時懷亦騁寺藏幽

處景備饒寶藏寺明碑續紛金粟飄蓮社舒卷香雲倚絳霄喜

盍朋簪蘭契洽豆房雨膳愧相邀

煙抹平皋樹列行湖光澈豔繞山陽南田雨足葵烹綠西澗霜

遲榭染黃勝國殘碑埋古螯相公遺墨闕虛廊

寺前有明碑沒於叢莽中鄂西

林相國詩版在寺中廊下結鄰擬傍華嚴境額作崦嵫秀野堂

巖邊竹樹蔥蒨倚海帆尚書

欲結廬爲避器之地

石罅新紅細綴椒瘦藤引勝陟迢遙前塵如夢詩空憶退想隨

緣境轉饒淨域清涼陳白甃祇園咫尺近丹霄持螯莫負登臨

約三過還思折簡邀

是日陳子鶴彭咏菰樞庭諸友挈榼來游相值寺中

拙集乞海帆尚書題咏仍疊前韻奉簡

鳳詔頒來字幾行開平考牧學孫陽嚴關螭螭參天碧寒日晴

蜓帶柳黃特乞鴻詞題素卷待刊翠墨貯長廊尚書位望歐陽

媿得句榮逾畫錦堂

班馬長鳴隔市囂，獅峯直指驛亭遙。旌麾曾向龍堆慙。

海帆先生於道

光十六年曾奉使察哈爾均齊馬匹

水草欣傳鹿塞饒，愛我連篇惠珠玉。多公一

羽在雲霄，城南詩老應相憶。星聚虛堂冀再邀。

城南詩老謂葉筠潭鴻臚

卓海帆先生邀同城西琴泉戶部恩符家賞菊還家後

篝燈賦此代簡

門前剝啄敲馬撾，良朋折簡邀看花。城西菟裘勝煙趣，蕭齋藤
蔓垂鬚入門執。袂一笑粲，主人揖客烹雪芽。聯翩裙屐賞秋
豔，苔縈曲徑穿幽遐。繡堂侍御有哲嗣，肯構殷勤繼先志。畦畝
縱橫闢百弓，霜葩徧植鱗排次。中央爽塏如砥平，老屋三椽高
位置。園丁荷鋪日徜徉，燥溼喧寒費付量。腳葉翠涼防蠹蝕，頂
花蕾嬾畏蜂狂。凡養菊者垂根之葉謂之腳葉數朝開讌過延
覽，辛辛苦栽培一歲忙。黃華夙秉金精灼，裊露含貞推正色。嫣紅

姪紫鬪芳菲名實難符堪鑄錯葳蕤珍礪屬寶來是爲洋蕙原

非菊

月令鞠有黃花菊惟黃色一種近之所種皆蕙其種來自西洋並非真菊附記於此燕京蒔菊競相

誇綺陌東西走鈿車桑落蕩新齊雅集茱萸插徧鬪紛華盜甌翠盜牙牌注粉塔玲瓏玉筍斜秋容一簇中人產老圃鄰翁枉自嗟金張望族陶朱富冒作柴桑處士家彭澤歸來偶招隱致遺口實話靡涯眞履相參事恆有虎賁貌似中郎否東施慣效西子鬪俗眼焉能辨妍醜虛聲純盜渺無憑高尚何從認誰某籬邊忽見宰官身嗜好超塵迴軼倫大千世界同泡幻歡喜隨緣漫認眞搗來花澹如人澹側笠東園步履頻但服九華除六鑿泉明都是箇中人

六班夜直

魚鑰千門閉
虬鐘一杵懸
月光

金殿迴露氣石闌鮮籌密雞人唱班清鷺序聯恪恭遵

聖訓匪懈自無愆

直房恭懇

班大臣上諭一道

得嵩亭十弟塞外書知七月進嘉峪關歸期約在初冬

喜而賦此

一紙平安塞外書披函珍重萬金如客秋疏勒催驃騎隔歲皋
蘭住筍輿古雪三春凝不釋行資萬里歎無餘烏桓曾歷蒲昌
未夷俗云何待問渠

吐爾冠特余奉使會
經西陲則未之親歷

屈指歸期喜欲狂商飆陡頓雁聯行未諳面目誠何若愁說關

山極阻長五稔光陰驚抹電一帆風色憶浮湘

嵩亭弟自乙未
年出塞迄今已

逾五載燕山弟七月十九日由
湖北放舟移節閩南故及之

草家真率花前會天際仙霞跂

足望

計嵩亭弟到京燕山
弟亦可抵閩督任矣

節鎮籌邊正討論丹綸內

召喜承

恩共期高步朝金闕深幸生還入玉門清祕木天榮昔夢嵩亭
內閣侍讀蒼涼雪窖黯征魂團圓家慶華堂畔惟悼雙珠渺不

存兩姪女
病殤

耍熊行

大造包荒靡不有升木教猱牽犬走爾來作計更狡猶驅使熊
罷隨指嗾四周青幕圍廣場老熊狰狞孔道當拳毛戢耳體瑟
縮聞鑼崛起驚跳跟白梃奮擊如霹靂張吻磨牙作人立觀者
如堵戢戢同密排圓壓過無隙鋼叉攪拏聲琅琅盤貫繞臂風
雨狂恍疑堯庭獸率舞看場動色神飛揚雙耳峯尖頭似斗朱
纓小弁承諸首楚人漫笑沐猴冠汝獨效顰顏亦厚誰教荷校
假乞憐伸爪撥枷風輪旋更將鐵鈴貫指上清音應節行蹣跚
有時舞多熊意倦杓糜餌熊熊色變可憐彪炳斑奴儔無那低

顏緣一飯我觀此狀生慨歎雄姿夙豔邏天關入城能火應災
兆當檻忘軀警淑媛嗟爾熊兮遇獨苦失路英姿任人侮不能
隱谷爾不智不能突圍爾不武傭奴負販強相依若輩生涯偏
賴汝黑髭鬢作雷吼似愧當場頻出醜枵腹相隨且餬口名
忝爲熊懦如狗

冬日有懷嵩亭十弟

驚颿颯發逼重裘漏鼓統如節序適鴈外書難傳幕府馬頭旌
未下并州神疲乘傳千盤磴心碎籌邊萬里樓關隴寒森雩雨
雪料應犖确滯行輶

學福齋夜坐

霜林蕭槭月三更危坐深衣倍有情菊淡忘言逢壽客萼香繞
夢結閒盟安鑑淪茗瓶笙韻雜燭燼書意味清蚓遂蛙簧聊復

爾浪傳新體競高名

陳後山詩工每一篇出眾相傳誦當時號爲新體

悼宋姬蓉娘

絮果蘭因夙世緣
罡風吹返大羅天
回思廿六年間事
歷歷捫
曾尙宛然

生小錢塘是妾家
額垂鬢髮最丰華
定情怕檢當年物
釵股雙分鳳翅斜

一棊銅荷蠟照青天
碧海漏迢遙
葳蕤斗帳依然在
誰復熏衣侍早朝

記昨將離淚滿眶
歸期屈指正榴芳
自憐病骨香桃瘦
眇得郎回更斷腸

余於四月中旬出居庸臨別蓉娘病勢纏綿日禱於觀音蓮座速五月余歸相見蓉娘已消瘦不支矣

雙槩迎來綠萼僂
倚篷同玩錦鴛眠
尙湖柳色濃於黛
昔夢低

徊益惘然

戊寅余轉漕海虞偕蓉娘北上回首廿年不勝惘惘

佳夢徵蘭甫願酬嬰媿頓失重增愁頻年慣灑童烏淚地下嬌

兒見未不

蓉娘生子願韶秀余夜夢奎星在雲中適生此子因命名元哥後三歲痘瘍替娘思子感痛成疾於七月十六日病殂余有輓句云廿六年巾櫛格將事我誠如奉身謹三千里湖山夢斷思兒痛比憶鄉深

殞宮秋草碧含煙淨土常依九品蓮惹得璇閨諸姊妹未參香

象諫哀蟬

蓉娘之柩淨厝萬明寺

晨妝初罷禮金僊合十皈依繡佛前翻把心香爲卿祝玉簫可

有再生緣

蓉娘佞佛在鏡鷗齋供觀音大士像朝夕禮拜今齋門靜閉無人焚脩余於朔望瞻拜而已

不事嚴妝體自矜升天證果渺無憑欲知御下和柔性小婢懷

恩雪涕仍

星小何妨替月明諸雛摩撫勝親生朝京薄宦常居儉瑣屑黃

齋慣累卿

蓉娘無所出撫育四兒錫福不啻親生還京後襄理家政亦頗井井積勞成疾爲可悼耳

雨後出宣武門暮歸坐詩舫感懷作

一雨平添帶水流，巖城初闢急行輶。
轍深泥凍鏗輪鐵，野曠風尖逼纛裘。
事欲因人原少據，識能窮理自無愁。
雲衣蒼狗無窮幻，浩蕩天心測未不。

禁中望月

瑪瑙天空湧玉盤，瓊樓切漢倍高寒。
金門盡鑄奚奴睡，三殿清光只獨看。

喜聞十弟嵩亭已過陝西月內抵都有作

欣聞阿阮來相告，仲氏輶車已歷秦。
萬里關河行自到，五年離緒得初伸。
船層浪激潼川渡，馬首雲開華嶽春。
到及燕南好時節，檐梅索笑迓歸人。

冬夜和孟山人夏日南亭懷辛大舊韻

木葉已盡脫，疏窗寒月上。
蕭然無長物，空齋愛虛敞。
裡炭撥漸

温茶清靜逾響挂壁枯桐枝琴心抱孤賞欲作千秋人須屏一切想

重陽日卓海帆尚書邀同陳子鶴吏部

子恩

汪大竹比

部

全泰

集飲寓齋作此代簡並和原韻

捧到雲藍灑墨行高華詩派接東陽壓檐槐蔭逢秋碧繞鬢黃
簪滿意黃綠淺未偕梨釘座歸遲仁待月窺廊嘉招都付題糕
會共豔翠倦集玉堂

履道坊南靜絕鬮瓜廬咫尺路非遙握蘭誼篤交原久疊壁吟
聯趣更饒得暖鳩羣邀白社怡逢鴻翼奮青霄

是日正值
鄉試放榜鼎梅

消息春光近東閣圍鑪擬再邀

讀詩有悟

苦吟郊島未超倫慧業騷人亦夙因到眼千篇嫌臭腐得心片

語愛清新尊韓抱杜都無據燕瘦環肥各有真近似曹溪參句
法香禪上乘貴精神

冬日西淀道中寫懷並憶燕山

鵲鴿迢遞隔江關愁緒難隨落葉刪出郭冰霜勞薄宦閉門風
雨愧名山咏歌癡癖誇三上物我真如證八還世事爾來逾覺
隘田盤東下聽潺湲

元巨神武門侍班恭紀

宿衛晨興建羽旄金輿高捧奏鈞韶

壽皇報本

宸衷篤昊綽垂慈

帝德昭蘭竺梵音宣禁禦荷囊

御製

賜藩條紫韉特錫頌

恩綽羣豔宗臣異敷邀

元旦 皇上幸宏仁寺 壽皇殿曠禮 列祖聖容 理藩院官帶領遮摩尊丹

巴珞圖克土西拉敏瑚圖克土章嘉珞圖克土三大喇嘛手捧 金滿達高宣梵唄擲米灑水祝佛延釐 皇上親詣行禮受福

是日 上親賜蒙古各王公尚囊賞管 理藩院事戶部尚書宗室奕紀紫韉

新春薇垣入直喜晤遠村宮詹

德厚 話舊卽贈

誼篤劉盧屬世親薇垣入直喜連茵居鄰蓬闥清華地秩領宮

詹侍從臣度雅品侔金鼎重談深情勝玉醪醕前塵廿載增惆

悵愧說平反一笑春余於嘉慶廿五年恭侍 太夫人陝西泉 司署中遠村亦於是歲視學秦中回憶舊

游感悅 係之矣

派衍鷗波妙翰適曾於便面爛銀鈎前見遠村臨閑邪公 小扇頗得松雪筆意少遲

春暖龍賓浥待乞書臨繭紙柔筆札蛟螭排遠陣精神鵬鷺奮

高秋庾樓風月堪吟嘯可許扛壺還雋游遠村居近 西苑有 樓可登眺故戲及之

春日出西直門

古堰高梁路舊經，途紆軫歎難停。乍開曉霧衝虛白，將泮輕冰透嫩青。世事眼前多變幻，故人天末惜飄零。謂恩蘭士尚書沒於濼陽含真抱樸存吾素，休向枯龜更乞靈。

日壇陪祀齋宿普濟禪林題壁

幾年不踏梵香林，衲子驚余白髮侵。萬里星馳風雨雪，余於丁酉年春

間曾宿寺中冬間復有土爾扈特之役往還萬餘里今日重來寺僧驚余白髮矣一官匏繫去來今，堂

前鐘板通禪味，門外輪蹄破寂音。襄祀瑤壇致齋肅，照臨大地

盡黃金。

萬壽山侍班散直後由東北門過青龍橋肅府園亭

曉直眉班侍，紫宸白駟緩控繞湖濱。乍醒柳眼窺煙鏡，如笑

山眉媚遠春。斜側帽檐租蹇客，雙揎翠袖浣紗人。萋裘偶借幽

襟豁君實兒童喜樸純

借肅府林亭游覽守
園人戶皆甚淳朴

爲開局鏤敞西齋小住清佳暢好懷金井雙桐疑筆卓玉峯三
塔儼籤排天然圖畫雲霞麗地湧樓臺錦繡堆老僕當階談往
事淹留殊午未言回

過遺光寺訪佈林和尚

檜擁崇椒冷翠凝中峯坳處見高亭偶過蓮界縮流訪不覺雲
門錦纒停五觀無違心漫騁三匙有節口常扁

佈林新
脩齋堂

下方人

海紛蠶觸且喫茶禪獨自醒

與佈林禪師清譚

似劍機鋒值辯才心空五蘊度宏恢納汗瓶腹空圖繪甜蜜刀
尖笑蠶歎淵默雷聲眞力定匡居龍見性天開十分具足欣圓
滿僧指東峯月上來

六班入直

政減官曹暇城南早放衙在公勤夙夜幾日未還家裡炭甌鑪
火春旗石鼎茶雞人請魚鑰官樹欲棲鴉

新柳和家嵩亭十弟韻

禁煙纔過露嬌黃
暮戀輕陰十里塘
縷弱巧防鶯翅掠
塵微剛趁馬蹏忙
離歌疊唱陽關路
美蔭曾連履道旁
張緒風流正年少
擬裁宮體學齊梁

尋芳記傍習家池
雨掠煙梳綠漸滋
俊眼乍開曾我盼
瘦腰斜裊倩誰持
層波鏡瑩低相映
湛露珠圓綴不知
纔向靈和前殿種
偏他東面受風吹

柔荑金綻葉猶疏
妙繪宣和恐未如
綺閣閒情眉淺畫
玉樓殘醉腕輕舒
三眠作態慵何限
一碧矜妍綽有餘
記否沾春雙屐

蠟杏花村店嫩晴初

陰淺難藏數點鴉紅窗窸窣淡雲遮月痕隱約窺香閣帘影分明認酒家西郭關心攀舊雨東風煦物答年華欣看翠汁宮袍染芳宴齋排辦咄嗟

春日偶游天王寺與嵩亭可盦兩弟相值晚歸作

繭栗梢頭花信初脂勻蓓蕾未全舒偶過蕭寺參蓮座不憚槐街駕筍輿良會大都成邂逅事機能得幾躊躇晚堂鐘鼓催歸轡彌勒同龕願未如

六班曉起

半燄燈紅啟戶重宮鴉聲滿曙光中辰曦赤暈疏櫺漫甲煎青縈祕閣濃宦迹訝看添足繭閒愁肯許上眉峯恰欣不速來佳客復見真符七日逢

與嵩亭松垞兩弟釀飲易安室題壁

釣游回首憶兒時無限清愁釀鬢絲
五十年中身世感庭前惟有老榆知

芳樽合釀慰蒼顏舊話燈前約共攀
宦海抽帆歸及早一天許兩人閒

息心亭

結構依雲麓澗心浮盡融籟
喧人語外春駐鳥聲中題壁憑誰
和譚經且自雄灑山偕雪竇觸處悟禪宗

曉過金鼇玉竦卽目

紫駟緩控石橋西瑋瓊雲光矚滄
淒甘澍但期沾繡壤錦鞵何惜泥
春泥渚蘋晷白香同泛隄柳鵝黃
色乍齊金碧樓臺看倒影畫圖橫
拓映玻璃

庚子三月十七夜夢中得詩四句彷彿湖上遇雨風景
醒猶記憶昔東坡先生黃州夢中亦有千山動鱗甲
萬谷酣笙鏞之句蓋神明內萃寤寐感通所致余年
將耳順吟咏亦形諸夢寐雖不能比迹前賢而心氣
未衰私竊欣然足成一律以寄興云

片雨亂斜陽陰晴雨不妨樓臺花鳥豔島嶼水雲涼乘興挑詩
卷扶童上釣航橋邊舒遠矚風景似瀟湘

張詩船廉訪服闋入都春日過訪澹園賦七古一章爲

贈並索詩船和之

銅鋪靜掩敲馬櫂薄笨殼棘停征車慕看半刺喜過望故人已
轉吳淞艇登堂執裾一笑粲寒暄甫坐烹露芽爲言三載別京
國沈光電抹如驚蛇同人幾輩爵通顯長安棋局胡紛拏憶從

秉臬歷中土欣偕仲氏紆絲綯謂燕山弟蓼我頓廢癘風木庶衣雪

涕星奔家故鄉近在圓泖側閉門讀禮空咨嗟料量密窳表阡

隧紛綸家政勤梳爬十年鶴俸拌盡罄粗了夙願遑求奮聆君

絮語增慨歎通才布置殊孔嘉吾人宦迹等萍梗南檣北轍行

無涯設非乘暇預摒擋百端交集勢如麻竭來春明偶需次且

免手版趨晨衙鵬鵬聊作六月息得閒且住時非賒爽鳩有待

昇刑柄

聖恩許沛猶光華或言詞人例窮餓拘墟論鄙儕并蛙不見渭

南陸務觀桓圭載錫五等加鴻毛順風際昌運今古持較無訛

差天教壇坵振風雅詩名萬口爭矜誇雞林價重播隆譽小重

一集猶芳葩邯鄲舉步愧足蹇凡音下里羣嗤巴冰天持節三

奉使蕪詞妄冀刊麻沙吟筒互答覓同調鍼砭待子攻吾瑕况

值馬曹政清減委蛇有暇同看花西山蘭若五百寺狂思拉伴
採煙霞海棠時節今又屆前塵回首興吁呀詩船題僧窗聽雨
圖有白眼看花吾

與子今又海棠
時節矣之句

勸君打疊濟勝具莫辭蹀躞鞭青騮

春夜喜雨

三春不聽雨廉纖入夜清音滴畫檐園柳惺忪憐翠韞林花爛
漫憶紅霑酒徒村舍應相約米價鄰坊喜稍廉別有老懷如願
乞小池漲淥半篙添

曹騰十里公超霧醒釀中天忽作霖壠溼綠抽晨麥潤礎香青
暈古苔侵膏濃京兆先馳奏泥滑曹司獨嬾吟躡客盼晴農望
澤片雲難洽兩般心

出右安門寫望

指點春雲一角城泥融輓趁轡輕班荆客舍聯芳侶頃至吳
興會館

中詣孫柳君孝廉參茗禪庵結淨盟漲暖碧添剛泛鴨柳稊陰淺不藏
鶯公田廢圃齊抽綠畢竟東風少世情

晚游棗花寺

瘦槐礪石傍禪關翠翦蔬畦十畝閑照眼天桃花灼灼一枝紅
出破籬間

入門一笑值山僧鳳尾鸞枝紺碧凝共說清和花事晚鼠姑闌
畔問開曾

古田戕闕喜新裝淡墨敲斜瘦竹行底事碧紗籠舊句尙書位
望媿歐陽卓海帆尙書詩戕寺僧實修新爲裝池懸之禪室

臥榻緋衣事渺茫墓輒展轉寄雲房伽藍記與夷堅志都付山
緇話夕陽翁宜泉比部會於棗花寺傍榛莽中掘得唐節度王公石刻墓銘昇至齋頭夜半有光恍見緋衣人坐榻

上疑卽節度靈爽式憑宜泉驚思商之徐星伯太史約將墓銘送諸寺廊度藏徐太史作記並託吳荷屋方伯書勒石紀其事

按棗花寺本王節度住宅後捨爲寺載析津日記中數百年來石仍歸寺亦一段奇事也

長子延福以光祿寺典簿艱得實任改補筆帖式示之

以詩

胄子膺官曷改爲寅僚都說左遷宜不簽尾押功曹列

小京官例得稿

尾簽押筆帖則不合例矣

忽換頭銜筆札司

筆帖式專繕清文奏摺

日下廿年糜粟食

蔭生食半俸

胸前一串惜珠垂

典簿應挂朝珠筆帖式則否

近參明老希夷旨欲

進何妨略退之

再和嵩亭弟新柳韻四首

新裁麗句咏鵝黃恍拂柔荑傍畫塘典謁互令居處近詩筒類
答往來忙柳煙翠翠柴桑里杏雨紅霏碎錦坊擬辦釣蓑苔樣
碧狂思鼓棹下漁梁

合賦歡聯迹未疏怡怡兄弟樂何如及時霖雨勞延伫

時方出薄雨

岫閒雲任卷舒北地擷芳行已晚東方處儉漫求餘啼鵲聲裏
春撩亂孤負韶光二月初

趨公日傍濯龍池閱盡陽和萬彙滋柳戶燕簾增氣象春冰虎
尾慎修持環中詮諦人誰喻味外酸鹹我獨知落溷飄茵隨所
遇乘時剛趁好風吹

拂檐金縷欲藏鴉羞畫眉痕半面遮情有獨鍾辭出婉曲無能
和學成家身頑懶蓄三年艾日暖難消兩鬢華一樹榮枯關運
數漢南何事重興嗟

曉過壽福禪林書卽目

郭西連日苦風纏走馬欣逢霽色開甸線餘春猶及餞麻茶老
眼試重揩麥鋪翠毯緣畦隴茶茁黃金潤草萊青蓋圓撐蕭寺
裏幾時松下得清齋

昆明湖上晚眺

稻壠濱湖萬綠浮江鄉景物宛迎眸
風花低趁雌雄蝶水柳傍眠子母牛
梅顛熟時偏望雨蘆芽抽處慣停舟
結鄰擬傍漁家住蓑笠煙波話舊游

同懷弟法良校刊

男崇福謹校重刊

抱冲齋詩集卷二十八

長白 斌良 笠耕

鵷班掌萃集二

暢春園大西門外長樓敬讀乾隆

御製燕射詩碑恭紀

西山翠黛畫屏延松棟凌霄尺五天敬憶

高皇親燕射曾傳宗伯製鴻篇

乾隆戊辰九月 高宗純皇帝

觀瀾榭視膳畢出大西門長樓做唐元武閣觀射禮羣臣賦詩

是日 上親射發二十矢中一十九枝羣臣稱賀禮部尚書齊

召南進呈四律 僕頭導箭言多妄 熙間幸玉津園較射立招

上賜和刊碑紀之 箭班紫衣幘頭立於朵前御射之來以幘頭轉勢導箭入的

之語 御製詩有幘頭導箭誠堪笑連網周法未是田之句引

臂彎弧技最專

本朝家法弓箭最強 敬讀豐碑欽

聖孝熙朝家法玉音傳

贈筆工詹瑞

工字小溪徽州歙縣人

能買青山不買閒舊題丹鳳碧孱顏

余舊題丹鳳山有能買青山不買閒之句道光甲午

會以此詩製墨以供染翰刷松細和龍香劑點筆

螭坳供奉班

工製鑿

西淀入直歸游萬壽寺

星榆夾道翠依牆雲開增高極睇長茗沸鑪頭山色靜車停柳
下水聲忙瘦槐陰古苔重撫錦砌紋奇路舊詳纔罷午參鐘飯
後栗畱鳴處麥風涼

白板雙肩靜絕囂訶林巖巖隱經寮山緇笑問客何自居士答
言時未遙木筆春寒花較晚天香露浥色尤嬌豆房瘦可前相
揖圓頂方袍品格超

雲水光中洗眼新剎那頃慕悟根塵聖因實繪多殊相妙墨寶

王少替人

案頭三十二應真畫冊裕府施捨冊尾觀音普門品成邸所書願得歐陽率更精意行住坐同

參玉版去來今忽轉金輪華嚴樓閣香雲護梅子枝頭迹又陳

苾芻前導散幽襟石瘦泉清取次尋金碧琳宮誇壯麗畫圖喬

木步蕭森手摩七檜懷前躅坐讀雙碑證妙心勝境允宜名士

賞再來蓮社倚松吟

擬邀孫柳君孝廉同來吟眺

洪雨薌明經

瞻陛

以教習得用知縣詩以賀之

職業仍師範三年報最勞詩書教胄子文物萃英髦程課功能著清勤績懋褒擢爲花縣宰黎庶仰甄陶

孫柳君孝廉南宮報罷後過澹園見訪卽用其題虎節

宣勤集韻

罷耗青衫復此行雲衢迢遞滯鵬程鶯花畫舫縈鄉夢京雒塵沙梅獨征閉戶會須勤舊學撇裾休但務浮名漫緣偶蹟移初

志松栝經霜重晚成

曉赴西淀書意

娟娟缺月影初斜石路縈迴夜轉賒
趨圍人雙足健冥濛官柳一行遮
橋陰波滉搖詩夢林外鐙明認酒家
祇爲心懸封事切晨光容易警棲鴉

五雜組樂府

五雜組染色絲往復還文詩不得已長別離
五雜組宮錦袍往復還錢塘潮不得已勢利交
五雜組織錦片往復還華堂燕不得已交中變
五雜組淺澆洗往復還夜行航不得已羈異鄉
五雜組繡衮補往復還瀛郊賈不得已邊庭戍
五雜組雕俎盤往復還媒妁言不得已就冷官

得曼亭二姪書

一紙緘封達遠郵湘江春暖碧於油持廉勵品追前哲努力循聲學道州

二兒慶福應試秀才余適入直六班偶憶

橫空密織雨如絲晏坐當窗有所思正我疏簾娛晝永憶兒文陣戰酣時功名基早成髻亂家世聲還重鼎彝高掇一衿等閒事桂芬芳豔肇於斯

雨過赴西淀

冒雨趨公急紆迴石路循風敲荷半面雨溼樹全身翠重煙迷郭衣涼夏健人西峯浮似沐洗出碧嶙峋

六月八日曉起庭中散步口占

薜蘂繞闌香枝團湛露光輕衫宜便服團扇趁朝涼熱客怕相

見冷官閒不妨荷花生日屆應又賦詩忙

兒童輩捕蟬十餘箇放之花閒盡被老鴉啄食感賦

慾壑老饕終不飽眈眈虎視日垂涎輪囷肝膽旁觀露日暮高枝鴉啄蟬

六班入直雨窗有憶孫柳君孝廉

初庚纔屆雨盆傾
薛壁蝸牛逐處生
恰喜趨公累茵坐
絕勝衝淖曳車行
素餐綺席嫌脂膩
小睡籐輪覺夢清
舊憶寂寥孤館客
琴裝愁絕庾蘭成

游天王寺晚歸陣雨忽作簡寬長老並孫柳君孝廉家

尙之五姪

匡居踈伏如醯雞
狂思長嘯排虹霓
城西蕭寺看修竹
不辭雙轂膠青泥
及時梅雨抑塵壒
山眉一抹橫林低
拍隄滑笏漲瓜

蔓鬚眉瑩澈措玻璃花光一路引蝴蝶雪痕千點浮鳧鷖頻過
路熟遠不憚棗林蒼翳環深谿凌空窅堵波鷺見九霄鈴語盤
層枿山緇執裾一笑粲履綦半載違招提豈緣簿書困填委瘦
藤無暇尋禪棲雲迷繳網苦自縛詎止何肉兼周妻揭來選勝
偶乘興囊琴才寸勞臧奚祇園地偏最森爽鏗盡榛莽滋柔蕙
我快阿師頗好事覲破天巧然靈犀豆房冠岑妙結構苔螿剔
出雙狻猊浮圖高標卓當戶星榆蔭舍光景驚褰衣登頓舒遠
矚黏天短薺煙痕齋雲沈斷塔陂隴隔雨昏畫壁丹青迷莫嫌
珊瑚景荒率舊聞朱十言堪稽我生擾擾覆載內駒影過隙驚
奔駢去年此日正于役蠟螭陁冷危巖梯焚尾冥罷事鞅掌羊
皮紙貴詩歌驅無垠大漠考羣收驂騶十萬攢霜蹠剎那頃已
鷓蟀歷前塵夢掠無端倪虛空淨域得安隱世外無物誰排擠

明年知又在何處漫事尊卜詢靈蟻獨游少伴歎涼踴折簡擬
致阮與嵇夕陽在山時已晏千章高柳鳴蟬是日欲邀柳君家向之姪來游
因時已晚未果不如重訂燒筍約同參玉版都籃攜催詩陣雨片雲溼
惜無好句青天題

雨後小池漲淥新添邀方春畦茂才家嵩亭可齋兩弟

鏡鷗齋小酌

頻年宦轍感差池合釀齋齋信得宜語到澹時偏有味石於瘦
處轉標奇林間暑退蟬先覺葉底香濃蝶未知旋摘碧筒和露
飲奚童且漫倒金卮

碧紗窗啟瞰芳池灌木陰濃坐每宜交到親時翻似略句經研
處妙無奇環中真趣伊誰領味外酸鹹祇獨知與化推移且隨
分當筵莫負酒盈卮

尖頭蒼屋枕山隅，喬木蒼煙入畫圖。妙友劇譚多灑落，閒官極
飲得工夫。溼雲罨樹乍明滅，疏雨著衣時有無。但使浮名徧寰
宇，索書何礙肯追逋。時有友人索書甚急故及之

不須諫草伏青蒲，範水模山是永圖。偶爾課晴偕老圃，幾曾著
論到潛夫。雌黃口角鋒芒有，坦白胸懷蒂芥無。自是錦囊矜獨
富，壁牋誰復作詩逋。

春畦方茂才和逋字韻頗新奇，時松垞五弟適至從旁
慫恿復援筆和之。

翠甌銀塘獵獵蒲，恍摹一幀北風圖。數椽占水招吟侶，百事輸
人笑老夫。開卷縱橫羅萬有，閉門剝啄喜全無。六郎莊畔蓮花
白，買醉何愁酒價逋。

六月初十日華真觀看荷與醴泉侍郎奕澤梅峯比部

那栽劉緝堂祠部榮熙由後園步至匯通祠

不辭衝淖叩名藍夏木蒼煙遠近參闐寂鐘魚沈淨域聯翩裙
屐接清譚碧牽蘿帶陰微合紅綻蓮衣溼更酣位置數椽真得
地俯窺潭淥揖濃嵐

側笠扶藤陟彼岡四禪天邃水雲涼新晴蘚色縈盤磴乍聽鐘
聲出上方細讀豐碑諳舊事相逢野衲話斜陽城南詞客游還
未燒筍他時約共將謂孫柳君孝廉

題胡扶山仁漁村詩思圖

貌出漁莊煙趣長扶藤小立向蒼茫前村昨夜漲秋水野渡有
時吟夕陽酒杯李白狂猶藉魚計樵青待細商漫把鄉心向伊
洛騷人逸興託瀟湘

澄齋夜雨感懷

圓電虛窗剖殷雷急鼓催關河隨夢遠風雨送秋來海國鯨鯢
逞江干鴻雁哀登壇建旗幟誰是出羣才

題勞宜生

崇煥

雨霽看山冊子

畫圖縹緲認層樓有客凭闌憶舊游變滅嵐光看不定淒迷鄉
思浩難收蔚藍淺暈遙天霽睥睨斜連溼翠流扶策他時借濟
勝振衣高詠萬峯秋

中元節欲至萬明寺替娘厝邊澆酒適入直未果感賦

半舊簾旌欲夜時疏桐葉落惹幽思殞宮近枉販三寶直舍羈
難酌一卮豔骨埋香增怳恨芳容入夢認然疑江鄉烽燧鯨鯢
逞小膽生前幸不知

姬錢塘人近日浙江定海爲倭夷之警故及之

謝溥泉侍郎

善齋

贈蓮藕代簡

年來消渴笑無由珍果應時感贈投脍戛齒生玉液涼侵關

扇漱冰甌風高鱸膾思何劇雨足蒲荷幸有秋回憶松花江上路笠檐叢袂話前游

秋日過拈花寺喜晤詩僧慈海卽和壁間夢堂相國贈

達天禪師舊韻

火熱輪躑興偶乘湛然心印玉壺冰竭來北闕金貂客澹對南

宗雪竇僧舌本瀾翻梅影瘦身中幻相絮泥憎慈師有詠梅七律二百首甚佳

師於四十後始披剃爲僧以懺悔踏穿鐵檻饒功行筆陣薪傳記撥燈師工四體書

簡孫柳君孝廉

小別芝暉月再弦長鬚急足遞華筵淫霖竟阻遄歸計舊雨能堅買醉緣梓里傳烽驚海滋竹窗敲枕夢江天聞雞夙裕男兒志遮莫多愁損少年

贈慈海和尚和尤西堂集中送筠上人至芋香庵和毛

大可張南士聯句舊韻

古貌方梅瘦雲煙共一龕習勤仙椽拾味道苦茶參逸韻催銅鉢楞嚴闕石函西來文字果黃面證瞿曇

天外驚人句青山飛草鞋

慈海有青山破我草鞋飛之句

出家仍未了混俗自

能佳骨肉拋塵累鐘魚浮古懷幾時敷坐具松下共清齋

聞定海有警感賦

報國空餘兩鬢絲警聞東溷失藩籬公然頡利窺華夏不比孫恩劫海湄但使鯨鯢驅渤澥可期島嶼保瘡痍吳雲千里時情脰節相何來奏捷旗

乳餅

紫塞煎牛乳團圓餅子稱精研養粉膩細漉酪漿徵水引名原匹泉源味詎勝羊脂肪乍截馬漣淨堪凌香邁醍醐烈甘疑沆

濯承一規涼雪潑百和薄酥凝誰把銀刀擘休宜翠釜蒸屑瓊
餐或可糝玉製相仍鷗鷺丰標擬鴛鴦福祿增旃裘呈遠貢
幕遺良朋憶昨蠓螭看牽殼鯁曾初嘗誇疊璧小酌記裁冰
輒嚼齡堪笑調飢畫漫矜佳篇追束皙新樣媿何曾殷頃時何
迅溲餘說尙能消寒啖瑤餌春宴待紅綾

題潘星齋孝廉鷗波館畫蘭圖

白鶴紅蕉隔絳紗比肩人對玉枒又幽閒貞性儕湘茝小幃春
風蘸墨華

鷗波亭子敞新涼硯匣琉璃滬麝香不買胭脂鬪穠豔一枝班
管畫瀟湘

送葉筠潭鴻臚出都之維揚講席

戲棹垂楊縮夕曛路通南下惜離羣如何冠蓋朝京侶翻羨揚

州鶴背雲

宣南眯目困驚塵招隱淮山亦夙因別樣老懷增觸撥多緣京
洛少詩人

小壘魚箋託致辭儀徵丰度雅堪師雷塘庵角閒攜酒重話鷗
波畫石詩

冷卿腰笏境誰同彩筆題襟獨有公漫說楓江千里隔雁奴猶
得遞吟筒

晴和蔣心餘太史忠雅堂集中舊韻

中庭止水凝澄波暖沁笙簧得氣和蟠壁蝸牛紫篆古入牀蟋
蟀語秋多雲開絕巘螺初染泥膠雙輪鐵未磨漲縮蘆根露沙
觜錦紋依約浪盤渦

題五弟松垞圖小照

蕭思話具林泉致陶淵明愛菊籬清哦松爭及閒攜杖靜聽濤
喧護籟聲

竹垞梅垞兩詩老後起蘭垞復繼之仲氏松垞約同調停琴小
立月高時

照眼蕭寥黛色凝田盤猶記履綦經餐霞學得神僊祕童子松
根刷茯苓

玉立蒼髯列萬株縱教章畢亦難摹何妨著我丹青裏開卷憑
人認大蘇

萬明寺視蓉娘柩感成

精藍何事駐雕鞍爲弔朝雲數尺棺豔骨可隨伽葉化黃腸應
被薛花攢阿婆近傍游魂慰蓉娘柩與趙太夫人同寄一室諸佛應憐度世難

小碣芙蓉遲撰取低徊芳躅聽哀蟬

久疏營奠似忘情百喙難辭薄倖名怕惹老懷傷絮果豈無密
意眷芳卿愁看脂盞逢遺物代寫金經懺隔生猶是踏青城角
路梨花轉盼又清明

贈湘林侍郎陸迎阿

韶年席帽共觀光宦海鏢分廿載強握手驚看鬚鬢改論心迴
愈茵蘭香奔蛇抹電時何迅蒼狗雲衣變莫量一事老懷稍慰
藉薇垣同值得翱翔

况復劉盧屬世親襟期灑落見天真季方禮樂偕司典仲氏羌

渾共撫循湘林於嘉慶年間與燕山弟同官禮部道光十五年又偕嵩亭弟同任塞外都護聚散无常

信萍梗艱危備歷見經綸廢揚謂余暨雲盛世成三友溪尚書繼美

耆英洛社新

秋日過淇園別墅訪在庵郎中延衡不值偶題代簡

應門老僕髮如銀，駘背臧奚代款賓。昔徑翠滋緣客掃，茗柯香溢爲余陳。蒙莊旨悟襟懷曠，在庵自題相語集蘭亭云今之視昔信可樂也老之將至豈不痛哉招隱情堅水石清。搘杖獨游園獨樂，松高梅瘦結芳鄰。

送希僑三姪之秦中司庫任

中丞猶子令公孫，王謝門才且莫論。無那飢驅升斗覓，柅車遙赴杜陵原。

漫聆驪唱欲魂銷，梓里偏憐近灞橋。跋馬定知饒逸興，蓮花仙掌碧峯遙。

廿年游宦憶咸秦，嶽色河聲舊迹陳。僚屬相逢如問訊，爲言鶴髮益精神。

稍滯鵬鷺九萬程，殘書捆載壓囊輕。漫嗤管庫青袍秩，黃紫標分也斐明。

輓徐詠之方伯

鍾

蕭齋判袂話津津，猶說龍眠載酒頻。
鼓棹纔經三日別，撒琴忽幻百年身。
淒涼骨肉舟中滯，牢落精靈澤畔淪。
宦轍淹沈歸軫未，悔教輕率買征輪。

澄齋初冬寫懷

性拙成我懶，蕭齋獨掩門。
鑪香重帟聚，詩夢小窗溫。
倦繡憑嬌婢，酣眠聽稚孫。
塵中無限事，胸臆向誰論。

姚少師

世業伊周迹水雲，公然定策老元勳。
竟將白帽加藩服，幾見緇衣典禁軍。
大義能明偏有姊，詭謀密造久無君。
鈔傳瓜蔓清流盡，徹骨風標漫白云。

夜游澹園迴嵐洞

一徑入深杳谿迴窄似衝松高雲淡定花安月玲瓏衣厚裝縣
早鞋寬杖策慵田盤休遠陟作賦小園工

贈鄭芾庵孝廉兼懷洪雨鄉孝廉

憶會客邸誦鴻篇經學康成夙討研鶚薦翮搏程萬里鶯鳴友
隔路三千賞奇燭剪藤窗月酌雅泉烹竹屋煙轉眼桃花春浪
暖東風吹送孝廉船

山鵲

澹園西北隅蒼柏團深谿濃陰翳蒼翳涼翠羽葆披百鳥集其
顛啄菴生雛兒何物號山鵲芻尼遜英姿尾修曳白練喙銳肖
利錐曾不報佳音圓睛肆恣睢冒廁青鵠羣焉能辨雄雌叫呼
引儔類杲日恆追隨展翅蔽霄漢黝黯烏雲垂日暮林樾宿占
據無空枝誰憐新雨種賤等樛櫟萎柏子任蠶養餘粒拋蹠臙

狼藉少拾掇爛若滯穗遺寒夜爭噪啁頑劣匹惡鴟擁衾暖如
春有夢罔得施奚童走相告彈射籌驅之鋤奸理固宜處事當
慎思不仁嫉莫甚誠眾母劇治宥彼跳跟愆姑再察所爲昨大
肆攘奪公然畫梅窺眈視紫領孱探般相凌欺燕巢鵲強據母
子倏見離實逼頓處此厥咎迺自滋丁甯示山鵲汝莫欺吾衰
遭逢游俠兒繪繳攻汝疵大度足包荒人不象我慈因譯往哲
訓當斷休然疑審勢貴明決鎖鋤截婪絲小懲而大誠爾輩福
所基山鵲雖微細事足當箴規

偕周穉圭侍郎

之琦

夜宿萬壽方丈與僧體燦清譚

虹橋飛溜瀉琤琮鳧鴨翻波照影重紫竹陰傳前院古蒼松翠
比入秋濃豆房挾被祁寒避蓮社量茶妙友逢白氎金貂欣契
洽譚深明月在中峯

陳雲伯明府白芍藥詩句傳徧春明余齋頭芍藥盛開

率題四律

一枝綽約露華妍
開近清和傍綺筵
歌罷瓊樓人比玉
夢迴澹水月如煙
葳蕤持贈情何限
黯淡將離別可憐
浩態狂香須護惜
芳名曾歷笈雲篇

妙香域淨絕纖埃
倩影傳停手自栽
百媚珠光呈洛浦
十分花事豔豐臺
鼇頭瑞兆誇金帶
焚尾春筍瀉玉杯
本色天然去雕飾
鞋紅歐碧漫相猜

踟躕綺袂舞霓裳
譜入桐君采錄詳
鳳髻輕攏新浴體
蛾眉淡掃內家妝
冰肌姑射瑤枝卓
風貌唐昌玉藥方
國色浪傳堪婢使
無瑕品潔冠羣芳

回首蓬山雪滿身
靜虛小謫豈無因
翻階翩若風前蝶
撫檻羞

逢月樣人肩擔薰醲涵曉旭膽瓶粉黛漱餘春玉盤盃供梅檀
佛妙喻蘇髯迴絕倫

十一月廿日夜雪侵晨入直過瓊華島書卽目並邀家

嵩亭同作

豐貂裘擁寒飈送錦鞍兀兀馱殘夢平明踏雪過承光攬轡渾
如驂白鳳散花滕六大狡獪萬頃瑤田橫蟠竦蘭池流汞宛相
侔華島鏡瓊名巧中層巒鱗疊睇玲瓏曲榭螺盤相錯綜丹甍
插漢渺虛名蒼檜擎雲補缺空金碧樓臺釀粉描水晶宮闕銀
潢凍嵯峨番塔湧訶林高矗峯巔疑卓褻古柳環隄縞帶垂早
梅破臘疏香動入問何處覓蓬瀛蜿蜒虹橋堪伯仲積素林坳
境豈無風景荒寒懶吟哢爭如上苑景清華慶霄樓聳盤松棟
籠水模山畫未能賦就長楊自矜誦歸時說與阿連聽囊筆金

龍希雅頌

題家嵩亭關外紀程百詠草後

雪虐風饕萬里郵勞薪身世歎無休
天垂似幕聊投足屋小於舟慣打頭
宛馬桃花紅叱撥冰山木葉玉雕鏤
酒泉今屬提封裏定遠當年遜壯游

蒼茫戈壁指荒途羌渴車轅笑擊壺

口外戈壁無水回子以皮壺盛水懸於車轅間以

供飲

高城青桐桐卻少驛名紅柳柳偏無

凡口外林木叢生之處呼爲梧桐窩紅柳

驛地

圓流贊普金光燦媚麗于闐玉色殊

入城皆用普兒交易有輪廓而無肉好錢

以紅銅鑄成

日醜甘瓜消渴暑嶺南啖荔敵羶蘇

哈密瓜極甘美有回回帽金棒兒之

名稱爲上品

趨庭綺歲歷蒲昌乘鉞重來感鬢蒼

嵩亭曾於嘉慶九年侍先向書至烏什今又出鎮

茲土已三蔥嶺嵯峨勞遠馭柳泉蕭槭賸荒莊
柳泉莊在新城十餘年矣

喜見增三版舊校多應認十郎

烏什自道光六年張格爾滋事後城垣皆加重築足資捍衛

嵩亭隨任時年甚少近老兵猶有存識者

宦轍經由皆數定不須端策卜行臧

問俗輶軒資博采心花開共意珠圓玉鞭遠踏焉支雪鐵板高

歌敕勒篇縞紵殷勤投朔漠

朔漠如制軍薩湘錦絨珍重遞風林都護皆有所贈

煙籌邊橐筆真堪羨吟到中華以外天

嵩亭宦迹半天下而新疆亦曾兩至形諸吟咏

可稱壯游

冬日過樹堂侍郎

誠端憩春別墅

楣額何時改憩春

舊名頤園今更譚深情比玉醪醕面湖亭榭

皆新構釘壁詩牌半舊人

壁間懸禧凝齋徐秋潭詩牌政宥經旬疏慰問身

閒投老益精神雪晴林樾鏡瓊瑩乘興還來駐畫輪

披裘選勝鳳城西得得銀杯蹴馬蹏帶雪檐敲驚怖鴿向陽冰

泮浴羣鷺襲人寒峭松篁靜瞥眼春歸錦繡齊柳瘦蒲荒漁屋

閉阿誰衝凍肯留題

冬夜與嵩亭弟夜話偶成

十日曾無一日閒
暮趨宿衛早朝班
霏微雪意懷煙麓
闕寂詩情對屋山
萬里還家身喜健
五年別緒話重攀
弟兄真率銜前會
莫負偏提得酒還

閒官

閒官饒逸興聊樂我
其云雪向前村積
詩從靜夜分呼兒
撥鐙檠教婢暖鑪熏
往事那堪憶風回
水面雲

冬日感懷

朝京羈薄宦任達自無愁
兒女饒真樂齋鹽費老謀
問梅租蹇衛糴米典貂裘
臘鼓沿街動忙中歲月遒

編近年新稿成集喜而有作

米券煤通聒耳盈閭官處儉費經營近來第一開心事詩卷牛
腰輯又成

冰牀

高一尺餘四尺方緣木鐵齒足底鑲車無輪輻舟無檣牽曳冰
面平如牀潞河東下涼雲滷冰堅澤腹寒威重紆迴衣帶繞城
闔淨照鎔銀明潑永水夫僵立當河口逢客叩須慣招手行人
利涉輸百錢背負繩絲曳之走玻璃平碾聲隆隆履痕亂踏蛟
人宮棲神皓魄方壺裏掣電圓光大鏡中瞥眼飛過無覓處擊
箭驚弦丸礮注橫陳休豔錦駕眠迅台還疑銅馬渡北人制器
各攸宜泥橈山櫟想見之一牀偕鷺過前浦輕掠蘆飄拂柳絲
我聞烏斯藏隔冰天長傳鐙黃衲號坐牀聖人聲教訖窮髮雕
題斲面勞梯航邇來遮摩尊丹巴瑚圖克土

後藏喇嘛名

庫倫萬里

來賓王跏座論道同元奘

遮摩尊朝見禮儀內殿太監豫設矮
牀於御座傍砌圖克土呈遞丹書

後奉

旨賜坐矮牀召

對優隆勝如內地禪師

駕馭蒙藩計孔臧丹書親捧朝明光國師 賜坐黼展傍區區

白木冰上一牀何足論君不見依

光禪榻 恩禮黃教榮非常

記夢

了鳥紋窗掩靜深紅潮微暈繡檀侵龍鬚八尺含風簟紕縵巫

雲夢細尋

冬日游慈仁寺

尙書碩望斗山齊觴詠曾傳傍佛棲

康熙年間王文簡公常游
茲寺有詠雙松歌見日下

舊聞 考 偶暇扶藤尋淨域空餘落葉滿荒蹊松蟠翠蓋延眞賞

變雲容煥

御題

殿前窰變觀音像乾隆御題

畢竟莊嚴能具足

妙因圖

永鎮闍黎

亂殿懸傳

閻山畫
妙因圖

聞燕山弟移督雲貴詩以勸之

宦海頻遷靡有定南檣北轍路還周承

恩吳楚剛停轡移節滇黔又買舟萬里遨遊如戶闥一官蹤迹

象鼻鷗愧無經濟酬殊渥努力勳名答

聖猷

卷之六

同懷弟法良校刊

男崇福謹校重刊

抱冲齋詩集卷二十八

長白 斌良 笠耕

鵝班掌萃集三

新正廿二日出崇文門外詣張鴻臚

秉德

第晚過夕照

寺歸而有作

老柳橫陂認古槎
烘晴冰釋礙輕車
醉鄉畢竟堪招隱
閒叩橋東賣酒家

嗜痴癡癖笑誰如
束筭牋攜慣乞書
似水心情淡彌永
論交南

北兩鴻臚

謂葉筠潭鴻臚見客弔江

車碾銀沙象徑通
松陰蕭寺暮煙籠
天工作意憐枯寂
陡頓斜陽萬頃紅

豆房麥茗俊遊皆過去
而今及未來
蘭畹松心擅雙美
品題都

入貫酸齋

壁間懸乾隆三十六年王安坤書高松賦及陳壽山畫松越僧導入禪室賞玩

仲春九日偕周樾圭許溥生兩侍郎同宿萬壽禪寺夜

窗小集題壁

疏鐙叢話夜初晴團坐相看品字成引起山心增靜契松濤竹
籟暗泉聲

昔夢低徊莽繫思幾堆殘雪尙盈墀竹廊風峭飄涼磬心折仙

翁白石詞

去歲十月間宿禪寺周樾圭先生詞有暗廊遙吹落一聲涼磬之句

蕭寺題襟第二回趨公翻得住豐臺等閒招惹山僧笑不是花

時亦肯來

妙墨香光證夙因苔碑經塔刻嶙峋

殿角碑刊金剛經佛塔嶺生先生云董香光舊本

稍寬禮數容疏放七檜休教冷笑人

松陰圍坐謙遜未遑溥生云莫使七松笑人故及之

不須淨肉設五種聊將脫粟飯雙匙氣涵蔬筍憎芻豢勝讀岐

亭玉局詩

潘公子紱庭

曾綬

秋闈報捷芝軒相國用今春闈中三

字韻喜成一律見示和原韻

媿美河東薛鳳三

長君次君先已發解廿五年中暨紱庭而三

棣華競秀陣文酣金

昆接武蟾宮步玉笏傳薪政府潭歌疊食萃清且逸喜方啖蔗

老猶甘親培桃李盈天下繞膝諸郎亦梓枌

太常仙蝶恭和乾隆

御製

蝶栩鑿冰時流傳掌故奇偶來清切地尙憶列仙姿爾雅名雖

失太常香獨司仙龕寄

方澤暇擬補新詩

乾隆戊申冬有黃蝶飛於太常寺中樂工某

宗伯德公明管太常寺事後一日

命取蝶進呈宗伯虔心致禱候有蝶降於寺因以黃袱藉盤

召對時奏之高廟

進呈

御覽時值隆冬忽覩肖翹仙質

上大悅賜名

太常仙蝶並

御製五律一首以志神異刊諸

太常寺壁命

將仙蝶送至方澤中靜室作香龕供奉每逢

上祀壇日仙蝶輒翩翩而至眾皆見之

廿一日至慶達泉別墅延秋閣小憩題贈

臨谿築閣靜延秋銀燭清尊當臥游逸致高於雲際鶴宦情閒
似水邊鷗聯翩米舫依窗織淡沱荷香繞榭流話久漫防魚鑰
閉嚴城近在屋西頭

題米襄陽墨迹臨本後

有序

米南宮書天衣懷禪師碑墨迹向藏王文莊公夢舫
中後展轉入宏邸王別號瑤華道人乾隆間諸名宿
皆有題識後乃售於香東尚書桂芳家尚書物故爲
靜庵琦相所獲辛丑春靜庵緣事籍沒此卷遂收入
內府真迹不可復覩矣近在楊墨林別駕我齋見

張涇南臨本神形酷肖下真迹一等耳賞玩之餘不
忍釋手因於卷尾題四短句並記其緣起時道光廿
一年五月下泮

蓮鐙心印證楞迦六百牟尼煥彩霞

碑計六百餘字

篋衍雕檀題識滿

層裝空說寄瑤華

天衣懷禪師碑向在瑤華道人處其紫檀匣兩榜及蓋題跋俱滿余曾見後爲廠店作履

蹟一卷貯之匣中爲淮商重價購之

過眼煙雲夢舫空文莊綠野弄藏工名賢珍翰仍天壤得失何

關盡楚弓

此碑舊藏王文莊公家夢舫乃其齋額名後展轉入宏府然猶在人間尙可借觀寶玩

長空雁過影難留真諦薪傳別築樓重歷尙書舊珂里剌光彷彿

佛照高秋

碑文中載雁過寒空影沈寒水水無留影之心雁無遺迹之意皆懷師語桂香東取卷中詞意築過雁樓

貯之余不喜以爲蕭索尙書旋即物故樓名竟成識語

鈴山書畫歸

天府真本人間再覩難絕似靈妃還洛浦尙畱

倩影與尋看

真迹雖入
瓶摹本尚存

猶可仿效耳
大內幸天

送洪雨菴孝廉

瞻陸

還浙江

長吟千字贈微之數典僧虔博雅師

雨菴近題抱冲齋七
古一百韻甚淵博海嶽

高名誰克副者番宏獎愧潛滋

春風吹到孝廉船忽漫歌驪悵別筵半載相於勞擘畫服膺卓

識洞機先

囊琴三番住長安滄瀆誰供欲住難畢竟孝思天自鑿河陽花

發奉輿看

潞河攀柳送歸舟弟子情殷莫挽留何日鷗盟期再訂觀潮高

揖海門秋

六月朔日中頂娘娘廟瞻禮

瓣香祇謁碧霞君十八村民報賽勤

右安門外豐臺共十八村畢竟洞天巍

福地花香時雜梵香聞

冒雨自西華門散直還家至澹園鏡鷗齋小坐遣興

礮車雲陣起當頭急下天瓢勢莫收傾蓋近聆同撒粟製衣深

悔未添油

兩具名製衣見左傳注衣製杖戈

芳池漲溢三篙碧草閣涼生五月

秋騎省卻疑康伯遁灣碣慣住狎閒鷗

過陳子鶴太僕

字思

寓齋不值戲題

高樹如山眾綠浮琴書位置極清幽健驃衝淖歸何晚孤負林

塘一味秋

釘壁詩篇錦繡駢勝游振觸憶當年

壁間懸曾賓谷吳蘭雪畫並朱椒堂諸老輩詩箋

師愛寫田園景纔說青門便惘然

羅兩峯畫瓜一枚並題識有元人丰致

嵩亭既逝希僑姪自西安聞訃奔喪還都哀毀骨立感

歎賦此

苴麻千里竟還鄉，柴毀形銷見可傷。自是戴星奔迅疾，故驚巾

月返倉皇痛，心未得棺親撫哭。墓惟餘祭獨將

弟已葬在墓

前致祭以伸孺慕言之慘然

雞肋功名何足戀，悔教輕易別高堂

去歲九月

赴西安庫使之任時嵩亭猶康強無恙今春疾作竟至不起爲可悼耳

洪石農畫墨竹幃子爲安次香題

蘇韓寫竹善潑墨，能貌青琅峭風骨攢根壓節氣。樛樛節月扶
疏枝半折老可畫，竹貴得真不圖其似。傳其神縱橫變化出新
意，彷彿夜雨瀟湘濱。寂寞千秋緬羣雅，衣鉢薪傳誰繼者。黃山
鍾秀出奇才，萬个篔簹恣揮灑。憶從濟上杖履親，屏障生輝染
翠筠。煙梢霜葉姿偏肖，共說洋州有替人。竭來稅駕春明路，疲
馬踰嶺趨冷署。豈徒骨肉乏餐錢，惟賸此君伴。朝暮個儻舊識
安期生，輭紅潤迹尋鷗盟。涓陽珍翰街頭售，攫取聊存葛藟情。

索我濡毫題嶰谷
槎枒胸次森寒玉
愧無秀句詠蒼筤
塞責鴉塗甯免俗
噫噫乎九疑峯
三竺寺檀欒凝碧
緣溪止半幅澄心
景如此石農妙墨
誠佳矣什襲永藏
自君始

游吉祥寺石鐙禪林

入門花木燦香光
老衲情偕茗味長
長鐙石半爲蓬藋
掩經幢疑

共劫灰揚

寺有唐石幢無存感明末王恭廠火災化去

妙書蠶尾僧伽擅

寺額皆沙彌某所書

淨土龍華記贍詳
杖履西堂已三過
一彈指頃去來忙

寺有左孝廉作

記詹明府英書甚古雅詳備

聞河南張家灣漫口感賦

浪齧金隄泊汴濱
其魚赤子慨胥淪
灑沈城僅餘三版
捧土人誰塞
孟津星使乘軺災
莫挽陽侯肆虐劫
方新宣防術味槌
焚竭才略今猶緬
季馴潘季馴治河馬頗饒方略

可會弟於六月五日抵浙以詩扇見寄喜而有作

月額知君抵古杭片帆風送下南康童時游釣湖山好先世徽

猷誦美長

先尚書曾撫浙余少時隨在西湖山風景

一握仁風千里共三旬別緒尺書將平安消息傳方翹路入蘭

亭應接忙

秋日至聖安寺訪傅秋坪都轉

繩勛

池邛巾車詣梵林栗園桑泊路盤欹疏鐘聲斷涼雲閣古碣書

殘翠蘚侵瑞像何年移

闔苑

旂檀佛真像向供奉聖安寺乾隆年間移入西苑能仁寺供奉

瘦筇茲夕訪苔岑探幽藉

得朋簪盍腰笏偏縈物外心

行滕遙寄贊公房錯認逃名效伯康祕笈貞珉參墨色

秋坪出唐碑迹

余鑒定

御樓寶繪仰榮光

御畫樓秋坪藏令祖傅相國處是日請出

德皇帝賜太保書畫深幸御賜書畫

仰頻過繹綵聯心曲頰釋調飢慰跂望好趁春明需次暇吟毫

游展共相將

余游廠店見古畫樓有香光梅花詩冊丰致絕佳以金

二鎰購得之歸家細玩知是余庚辰自書散失闕闕

間客以董思白廩章鈴於冊尾遂誤爲真迹不禁呀

然失笑因作長歌記之

容臺墨妙播寰宇宗派遠朔琅琊王勝朝藝苑振文譽迴邁吳

寬沈度

及文

徵唐寅

踵門求索穿鐵檻素屏粉壁生輝光捉刀

有客偶譚效虎皮蒙質仍癡羊慣摹粉本趙文度署款翁自題

其昌往往真珉雜贗鼎昧者不察睛如盲思翁書體有三變韶

齡腴渥銛鋒鏗壯歲開拓神觀異芝泥押尾鈴牙章毫年得髓

大成集驚鴻戲海龍騰驪技隨齒長入神化青宮太保書尤臧
顏莊米逸并鑪冶御風仙子憑虛翔或云九宮欠結構吳興楷
則逾堅蒼山林臺閣匪一致各極其妙休評量寬鞋瘦策昵邱
壑垂紳正笏端巖廊松雪香光兩持較晉楚共霸難低昂平生
嗜炭具癡癖手摩碑版盈筐篋漬墨成池筆堆冢就中甘苦皆
親嘗擊竅鼓臂痛忽作良醫三折肱何妨逞臆論書述緣起搖
唇抵掌疑顛狂 國初學書盡推董片楮何啻千金裝蘭臺俊
彥共模寫筆枯墨竭神飛揚樹峯孫子稱第一士標繼起遲徐
良聲價倏增遍闔閩寸縑品重儕琳琅新秋白拾恣游覽琉璃
廠店停車箱骨董攤頭恣檢點金題玉躐矜收藏幕看波磔煥
精彩畫禪遺稿吟梅芳摩挲把玩不忍釋有賣直欲拌傾囊攜
歸細玩莞爾笑楚弓楚得庸何傷我書偶爾肖公筆雲光滿眼

勞猜詳陽貨神原似夫子虎賁貌亦伴中郎明珠魚目瞠莫辨
工似工意差毫芒千金鑄錯翻自詡劣札竟爾登君堂稱尊每
向無佛處大言宛類涪翁黃染翰雖工小技耳封侯安用毛錐
長文清相國余師事雕蟲曾戒耽縹緲助我潛心裕經濟文經
武緯曷不襍龍韜豹略卷分六陰符夜讀鐙瑩煌金法圖開演
風后玉鈴陳古傳軒皇乘時功業須自勵凌煙身畫旌旗常楊
僕樓船翦鯨鱷鏡清海宇銷櫂槍勳銘銅柱奠甌越韜戈偃武
朝 天閫

廈門書事

久叨節鉞 賜專征不比孤軍借背城未見臬卿身敵愾徒聞
趙括口談兵曳戈鼎沸中權卻佩印倉皇間道行滿目瘡痍皆
赤子難資保障負 恩榮

阨要巖疆指廈門一宵豕突歎追奔冰淵約弛三章法礮火灰
飛萬姓魂迴異孫恩攻上郡居然頡利犯中原莫逃藕孔刀兵
劫海澨殘黎幾戶存

淫巧兵機詭絕倫韜鈴自可制頑嚙眼明千里窺冰鏡舟涉重

洋駕火輪早設鄉團傭水鬼漫輸歲幣利金人樓船王濬威棧

赫坐鎮能教狻性馴

原任水師提督王公得祿見家
居臺灣堵禦英夷頗饒方略

十萬虛傳甲貯胸貌爲整暇恣雍容無謀詎足膺師寄有守方

堪說戰衝失利猶誇兵尙譎掠空翻道賊潛蹤先聲膽破潢池

客宿將今誰繼李邕

嘉慶年間洋盜蔡牽滋事水師提
督李公長庚屢著戰功故及之

家居漫興

趨朝入直難逢暇退食匡居喜自由靈犬有情偏戀主候蟲無
伴獨鳴秋篆香小閣縈詩夢花箭幽窗當酒籌養壽頤神隨所

遇車前不羨擁羣駒

秋感

蕭械商飈鎮夜吹
投衣又值早秋時
高門求富行胡陋
達宦傷貧語似欺
比戶北魚聲籍甚
繩空南雁下偏遲
鯨鯢海國何由翦
悃脰吳雲有所思

雪柳四律

戴纓樁古認漁家
積素封條萬縷斜
青鬢當時矜格調
白頭今夕感年華
風淒驛舍維征轡
煙幕柴門點暮鴉
翦碧鏡瓊參夙果
漢南司馬漫興嗟

無復垂絲蘸綠波
繁華春殿憶靈和
帽檐錯認瓊花拂
衫袖疑攙粉絮搓
老矣漫教金線壓
來思應付玉奴歌
如臨官道瑤林茁
誰挾雙柑載酒過

銀浦威紆極睇寬
纖腰舞倦晚風寒
新秋北渚思搖楫
舊夢東風怯倚闌
客子裝猶躡洛下
女兒箱慣帶江干
當年張緒風流減
濯濯羞伊勒馬看

指點雷塘路向西
冰嘶倒影浸玻璃
浪傳鴛翼條條覆
不分鶯簧恰恰啼
目斷蕭樓驚玉戲
魂銷隋苑總金迷
凌兢寒鷺枯槎立
畫譜宣和待賞題

夢中射獵醒紀以詩

連宵雨橫更風狂
驚起聞雞志激昂
垂老雄心未消歇
夢抽弧矢射封狼

驚聞二姪延禧謝世書此當誅並懷燕山弟

時姪出牧道州

纔折魚箋意忽驚
傷心阿阮返蓉城
鵬程正冀青雲奮
鶴紀難偕皓月盈

曼亭於八月十五日病殂

遭際幸無微
偃蹇性靈翻覺太聰明那

堪仲氏年垂暮淚灑童烏最愴情

才質龍文播令譽詒謀遠紹耀門閭婦嫠勉克持家計子壯猶
堪讀父書孫麟素年十四地近湘纍悲易惹葬營贏博語仍虛幾時丹
旒還京邑祭姪文成待誅渠

鎮海書事

竹嶼孤懸勢莫攫貔貅退舍保嚴城漫猜王琇剽崇島密構盧
循犯大瀛祇道麇奔誘深入豈期鹿鋌竟橫行兩甄鼓竭全師
潰嚼齒泉局恨未平

三鎮新軍挫銳堅臨危巨礮歎親然檣傾將翼擒驕虜風烈天
胡助逆船兵死何嘗非厲鬼肉飛應亦化游仙膏塗鋒鏑亡原
慘劫火捐糜倍足憐

警報

警報連朝遞海陬疆臣失守哭蚩尤風聲鶴唳休惶惑軍事龍
韜密運籌莫界金繪矜勝算須防戎馬起邊愁凌煙身畫鯨鯢
靖宵旰誰舒

聖主憂

大雪和方春畦鏡鷗齋遺懷韻

纔收玉戲影漫漫凍後烘晴釀薄寒貪看層巒輕沆粉笑披鶴
筆倚闌干

一繩南雁唳遙天背壓湘雲尺素傳客邸何須愁寂寞梅梢香

月定重圓

謂江西可
愈六弟

箋疊雲藍四壁加瘦行瘳楷字敲斜吟情更比諸公健慣向瀛
洲賞雪花

題潘芝軒相國花瑞圖

浩態穠香耀錦叢生綃渲染殿春風榮敷卸砌重臺豔瑞集華
堂一品紅晉爵簪花侔四相腰金圍玉兆三公

恩叨近侍龍光覲魏紫姚黃格並崇

崢嶸桃李列門牆蘭桂盈堦映笏牀薇省擣文聯藻彩瀛洲接
武紹芬芳詩傳白傅春風麗春盎黃扉化日長花瑞圖成延世
澤床徵韻事播金闈

星齋今春新入詞林絳庭內閣中書家慶駢蕃洵稱盛事

上元節攜兒輩踏鐙還家作

輒繡天街興偶乘晴雲騎埽見圓冰順時且領蕭閒味自挈兒
童共踏燈

小肆題楹祝歲豐華鐙光射酒鱗紅臧身人海蒼茫裏誰識三
朝鶴髮翁

客冬三百見連旬薺麥緣厓已茁根戈馬如雲環海澨可能雪

夜奪崑崙

綺窗一角認高樓
拉伴飛觴醉上頭
弛夜金吾偏有禁
十籠銀燭聽鳴騶

買夜連宵舊俗循
六萌車迅碾芳塵
光明一片琉璃界
肯照哀鴻萬戶貧

春燈雅謎製新奇
小立渾忘漏點遲
玉鏡當頭簫管沸
者般風景恰宜詩

晏坐

晏坐饒心賞虛窗
日易蹉舊交青睞少
新進黑頭多移石
扶孫竹循牆植女蘿
燕南塵盞盃合早
買漁蓑

春日游天王古寺

鶴擎蹠蹠白髮翁
邀頭乘興且搘筇
化城淑景逢寅月
茅屋茶

瓜屬已公似水冲襟縈遠浦如雲芳思壓春風
嬌紅姹紫韶光轉祇在東皇指顧中

游南觀音寺

出郭數里篆徑通望中翠堵摩晴空老僧蒔花度日月
羈客負蕪避雨風童山蜿蜒繞樓翠佛火睽矚隔幔紅
趨公腰笏過鮮暇一任苾芻啣鈍翁

晚赴西淀

日夕浮嵐紫翠橫又緣石路關車聲松陰蕭寺驂難駐
柳色旗亭畫不成旅邸頻來梁燕識官橋遙睇野鷗迎
貪看暮景前村好不覺輕寒惻惻生

二月廿八太僕寺值日賃居西淀朱氏小寓適值介春

將軍

耆英

先期解鞍賃住因借宿楊家樓晨起題壁

偶值將軍駐碧油，逡巡小避扇湖頭。
蒙茸負屨廡攤衾臥，幸有元龍百尺樓。

曖曖煙光畫未如，綺疏紅漾上鐙初。
雪鴻爪迹君須記，一宿空

桑戀有餘

院中古桑一株大可十圍樹腹空洞數百年舊植也

三月初三日

聖駕臨幸南苑恭紀

肆武春蒐

幸苑南辰旂甲仗，影相參鳳書稔歲六旬六馬射。

華林三月三搏虎，崇臺威早振翦鯨渤海亂應戡從禽文囿非

旼獵

廟算深沈智略含

韶光蔥蒨數園河，靈沼璇源蕩綠波。
園柳條拖金線，輦林藹瀟

疊玉杯瑳

團河行宮玉蘭二株花甚繁縟

朝班依舊排鴛鷺

南苑行宮六部照常引見奏事

軍旅分明列鸛鵠周甲

至尊親射鹿

彤闈馳進

孝思多

皇上在南苑親射鹿二隻遣內官馳至圓明園恭進

皇太后

春日感懷

萬芳簇錦蝶成團何限春愁付倚欄
三月鶯花紫杜曲九衢冠蓋織
長安文章名世才非易車笠論交勢
大難叔向賀貧多卓識漫緣處儉感
無端

三月十六日聞雷偶成

萬彙昭蘇大地春阿香作猶轉颯輪
震雷自殷南山側何限筵前失箸人

三月十九日義甯會館喜值姚隸雲即贈

京洛無端滯陸雲巾車過訪日初曛從來落拓推名士漫說英雄屬使君紙帳鉤開花影掠茶瀉沸處市聲聞舊詩盈帙勞重錄正待毛錐獨策勳

三月廿日獨游棗花寺和壁間卓海帆相國舊韻

偶攜竹杖款松關曲徑苔茵踏翠斑經世無功辜壯歲放衙有暇趁公閒天香逞豔駢疑錦禪窟探幽靜若山露電觀空等如是及時選勝且開顏

超塵譚次實修上人於客歲九月化去故及之

靜觀堂題壁

西來閣下燦雲霞舊植王朱歲月賒

西來閣下丁香傳是王漁洋朱竹垞兩先生手植

嵌壁古碑資考據

壁間嵌王仲堪墓誌徐星伯考係貞觀年唐碑

蔭庭新綠睇周遮老

僧健比菩提樹冷宦羞看富貴花持節歸來約重訂廚開櫻筍

細參茶

長椿寺晤三明和尚話舊

一笑相逢雪滿顛，舊游追話卅年前。劇譚往事渾如夢，歷數羣

英渺若煙。

謂李松雲法時帆朱滄湄張船山吳蘭雪汪劍潭諸前輩

窗外竹香通鼻觀，杖頭

梅熟證言詮。華嚴樓閣春雲幻，悟否天龍豎指禪。

三明言妙光閣舊址今爲

菜圃矣

喜晤河間問梅太守

哈忠阿

卽送其之官桂林

相逢攬轡致殷勤，滄茗深譚又夕曛。屈指寅僚皆秉鉞，關心氛

祲欲從軍。世途嘗徧艱辛况宦海，經多變滅雲移守桂林膺

特簡好綏荒服建奇勳

哈太守近奉旨特調廣西柳州郡

恩

游香山臥佛寺卽贈樂然長老

宸翰蘭楊煥若神，清涼香界寄微塵。

方丈懸此地清涼

御書扁額評書惜

未良朋遇

薩湘林侍郎先來住寺中

琢句先爲古佛陳，苔繡翠滋疑繆篆。花

明錦障漱餘春一彈指頃升沈感世事何如茗味醅

十方橫際大禪牀偃臥平分舍利光不是吾人昵邱壑多緣此

子倦津梁靈泉法乳源流遠寶樹娑羅歲月長雨膳偶供欽雅

量渭川千畝半胸臆

禪舍清齋樂然刷階前新筍供饌

中峯絕頂已峻嶒况復飛甍結上層鏡碧千尋齊北極範金丈

六奉南能棠梨葉暝棲雙鳥茶板聲清導一僧笑指白頭老檀

越半甍權借得何曾

樂然禪師留宿寺中未果

同懷弟法良校刊

男崇福謹校重刊